



Služba Općinskog načelnika i
Općinskog vijeća

Broj: 02-04-2-2109/21

Datum, 30.11.2021. godine

Z A P I S N I K

sa 10. redovne sjednice Općinskog vijeća Maglaj
održane dana 30.11.2021. godine u 9:00 sati u Sportskoj dvorani
JU Osnovne škole Novi Šeher

Predsjedavajuća Svjetlana Zamboni-Radovanović, na osnovu člana 59. Poslovnika o radu Općinskog vijeća Maglaj, zaključaka Kolegija od 23.11.2021.godine, te Programa rada Općinskog vijeća za 2021. godinu, otvaram 10.redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH te samostalni vijećnici Elvir Vehabović i Mustafa Bešić.

Poziv na sjednicu dostavljeni su OSCE terenskom uredu u Travnik, te sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i zastupnik u Domu naroda gospodin Jasminko Kapić, te zastupnica u Skupštini ZDK gospođa Emira Drnda-Čičeklić.

Sve vas srdačno pozdravljam i pozivam da svako na sebi svojstven način, odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Zamolila bih predstavnika Službe Općinskog načelnika i Općinskog vijeća da prozivkom vijećnika utvrdimo broj prisutnih vijećnika na 10. redovnoj sjednici Općinskog vijeća.

Konstatujemo da današnjoj sjednici Općinskog vijeća prisustvuje svih 25 vijećnika.
Konstatujem da Općinsko vijeće može punovažno raditi i odlučivati i donositi odluke, zaključke i rješenja, ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo i verifikaciju Zapisnika sa 9. redovne sjednice Općinskog vijeća.

Da li ima primjedbi na dostavljeni Zapisnik? Nema. Ko je za verifikaciju Zapisnika sa predhodne sjednice? Ima li neko protiv? Uzdržan ?

Konstatujem da smo jednoglasno verificovali Zapisnik. Pardon jedan uzdržan, gospodin Galijašević Firuz. Ima li razloga? Hoćete li ih obrazložiti? Pa dobro imate svoj Klub pobogu, ima Zapisnik, ima sve. Dobro. Konstatujem da smo sa jednim suzdržanim glasom verificirali Zapisnik sa 9.redovne sjednice Općinskog vijeća..

Otvaram raspravu po pitanju predloženog Dnevnog reda. Ima li prijedloga za proširenje Dnevnog reda? Izvolite. Rasprava po dnevnom redu.

Vijećnik Jasmin Begić, ja vas sve selamim i pozdravljam. Pozdravljam ovu odluku Općinske administracije da se ovdje održi sjednica Općinskog vijeća, jer podrške lokalnoj zajednici svakako treba i materijalno i moralno. Evo jedna moralna podrška koja ne bi trebala da završi moralno, ja predlažem da današnju dnevnicu preusmjerimo za Udruženje Cicmanke koje su dobar promotor Maglaja, gdje smo vidjeli na Hayat televiziji da stvarno pozitivnu priču šire o Maglaju. Tako da bih ja predložio jedan prijedlog ako ste za to, da današnju dnevnicu preusmjerimo na njihov račun. Toliko.

Predsjedavajuća Svjetlana Zamboni-Radovanović, to nije rasprava po Dnevnom redu, ali dobro. Da li ima još? Izvolite

Vijećnik Maid Suljaković, selamim i pozdravljam sve prisutne. Obzirom da na Dnevni red koji smo dobili u prilogu dokumenata tražio bih da se tačke koje se vežu za Budžet skinu sa Dnevnog reda iz razloga revizorskog izvještaja koji je dostavljen za Općinu Maglaj u 2020-toj godini, a koji ima nekoliko nepravilnosti i kršenja određenih zakona, pravilnika itd.

Predsjedavajuća Svjetlana Zamboni-Radovanović, da li možete pojasniti o čemu se tu radi. Pojasnite nam, kakve to ima veze s Budžetom?

Vijećnik Maid Suljaković, revizija na Budžet Općine Maglaj za predhodnu 2020.godinu i obzirom da se nisu ispravile neregularnosti tražim da se skinu sa Dnevnog reda dok se te neregularnosti ne poprave, odnosno dok se ne donese plan mjera za popravak. Hvala.

Predsjedavajuća Svjetlana Zamboni-Radovanović, ja se nadam samo da su predsjednici Klubova informisali članove svojih klubova o diskusiji koja je vođena za reviziju na samoj sjednici Kolegija gdje je konstatovano da proces revizije još uvijek nije okončan i s tim u vezi ne može se o reviziji ni razgovarati u ovoj fazi. Dakle u ovom periodu, u ovom dijelu godine. Izvolite gospodin Mešić.

Vijećnik Mirza Mešić, pozdravljam prvo sve prisutne, a vezano za ovo što je kolega Maid napomenuo i predsjedavajuća upravo to već rekla. Kao šefovi Klubova mi smo trebali prenijeti i obavijestiti svoje vijećnike i upoznati ih da je već rečeno. Šefica Službe je detaljno iznijela na Kolegiju da revizija nije gotova. Samim time Maide, znači ne može se o tome da raspravlja. Kada bude revizija gotova onda možemo. Znači, kada revizija bude gotova možemo o tome da raspravljamo, odnosno možemo govoriti da li ćemo skinuti ili nećemo skinuti nešto sa Dnevnog reda.

Predsjedavajuća Svjetlana Zamboni-Radovanović, i samo još jedna konstatacija za sve vijećnike koji nisu informisani od svojih predsjednika Klubova ili onih koji nisu članovi Kolegija Dakle konstatacija na samoj sjednici Kolegija bila je da sve što se ukaže kao moguća sugestija ili popravka onoga što je uočeno u procesu revizije bit će svakako uvažene, jer svako od nas želi da radi bolje i bude bolje ocijenjen. Mislom da je to bila i konačna konstatacija u vidu nekakvog zaključka na sjednici Kolegija. Izvolite.

Vijećnik Jasmin Begić, ovdje se spotiče da nisu predsjednici Klubova obavijestili. Gospodo draga, o revizorskom izvještaju trebamo da raspravljamo svi. Ovo što ste vi dostavili, znači revizorska komisija nije prihvatila....

Predsjedavajuća Svjetlana Zamboni-Radovanović, hajte molim vas držite se Dnevnog reda, nećemo sada otvarati..

Vijećnik Jasmin Begić; mogu li ja odgovarati...

Predsjedavajuća Svjetlana Zamboni-Radovanović, naravno da možete, ali se morate držati Dnevnog reda. Govorimo o Dnevnom redu.

Vijećnik Jasmin Begić, jesam li ja prozvan kao predsjednik Kluba, dozvoli da završim...i nemoj me prekidati molim te.

Predsjedavajuća Svjetlana Zamboni-Radovanović, molim Vas da me persirate kao i ja Vas.

Vijećnik Jasmin Begić, ne persiras ni ti mene.

Predsjedavajuća Svjetlana Zamboni-Radovanović, budite učtivi i poštujujte kodeks.

Vijećnik Jasmin Begić, hajd dobro ti svoju djecu uči, pusti mene da izložim.

Predsjedavajuća Svjetlana Zamboni-Radovanović, ah svakako..

Vijećnik Jasmin Begić, znači...

Predsjedavajuća Svjetlana Zamboni-Radovanović, ja vas molim, samo da Elza konstatujete u Zapisniku ovakav način ophođenja sa uvažavanjem molim vas kao što ja uvažavam vas i svakog vijećnika prisutnog u ovoj Sali.

Vijećnik Jasmin Begić, jeste završili?

Predsjedavajuća Svjetlana Zamboni-Radovanović, da jesam, izvolite.

Vijećnik Jasmin Begić, znači Revizorska komisija je dala.. nije dala pozitivno mišljenje za revizijski izvještaj. O revizorskom izvještaju ako ste čitali i informisali se u državi svi raspravljaju o izvještajima koji nisu dobili pozitivnu ocjenu, pa čak i Vlada ZDK. Ovdje je sve prekriveno velom tajni. Ako su negativnosti uočene u njemu, logično je da raspravimo o njemu, da svi damo doprinos da to sljedeće godine bude pozitivno.

Predsjedavajuća Svjetlana Zamboni-Radovanović, to je konstatovano na Kolegiju.

Vijećnik Jasmin Begić, i ne znam šta je to problem.

Predsjedavajuća Svjetlana Zamboni-Radovanović, ali to je konstatovano na Kolegiju.

Vijećnik Jasmin Begić, o tome sam ja obavijestio, molim Vas da me ne prekidate.

Predsjedavajuća Svjetlana Zamboni-Radovanović, ne prekidam Vas.

Vijećnik Jasmin Begić, poštujujte Poslovnik o radu Općinskog vijeća, ja Vas zadnji put upozoravam na to.

Predsjedavajuća Svjetlana Zamboni-Radovanović, hvala Vam na upozorenju.

Vijećnik Jasmin Begić, i hoću da kažem to. Znači svi bi došli do zajedničkog rješenja. Ja garantujem da od vas 2/3 nema Revizorski izvještaj pred sobom. I prema tome nemoj da Nacrt Budžeta da uradimo shodno ovim greškama da sljedeći bude dobar. To će biti dobro za vas, za vladajuće strukturu i za čitav Maglaj.

Predsjedavajuća Svjetlana Zamboni-Radovanović, gospodine Begiću, mogu Vas samo nešto pitati dok ste za govornicom'

Vijećnik Jasmin Begić, završio sam.

Predsjedavajuća Svjetlana Zamboni-Radovanović, ali možete ustati pa i odgovoriti. Da li Vi imate dokument koji kaže da je to završen Revizorski izvještaj, znači zapisnički konstatovano da je proces revizije u Općini Maglaj okončan i da su to jasne, dokumentovane konstatacije od strane revizora? Ja bih.... izvolite, javili su se gospodin Arif i Pero, odustajete znači hvala. Pa onda Dženana molim Vas pripremite se onako kako ste i na Kolegiju se osvrnuli, samo kratko.

Vijećnik Arif Mujkanović, predsjedavajuća prvo kritika jedna vama, molim Vas držite do ove sjednice, držite do ovoga doma koji ovdje zasjeda. Oduzmite riječ. Ja znam da se sa konjima ne može trkati i sa budalama raspravljati, međutim jednu ću Vam... upozorit ću vas vodite računa. Imamo predložen Dnevni red i držite se toga. Druge stvari, izričite opomene i tražite..na kraju krajeva možda bi bilo i pametno da se nađe i jedna pauza pa da se pojedini vijećnici urazume. Hvala lijepo, toliko.

Predsjedavajuća Svjetlana Zamboni-Radovanović, hvala. Ja bih zamolila samo šeficu službe da kao što je to učinila i na Kolegiju, samo za ove ljude koji nisu članovi Kolegija dakle da im bude jasno o čemu se ovdje radi i zašto ne možemo u ovom momentu razgovarati o reviziji.

Dženana Hadžiedhemović, prije nego što bilo šta kažem ja bih da vas pozdravim. Nadam se da ćemo ovu sjednicu uspješno okončati ali evo kako smo počeli...Na samom početku ja sam već, kao što je predsjedavajuća rekla, na Kolegiju rekla:“ Proces revizije Općine Maglaj i dokument se ne zove revizija Budžeta nego revizija Općine Maglaj, ne Budžeta nego Općine Maglaj kao pravnog lica, normalno. Proces još uvijek nije okončan. Izjašnjenje koje Općina Maglaj treba da da

u Parlamentu pred parlamentarcima i o reviziji prema datim preporukama još uvijek nije okončano, niti je poslano ni pismeno niti smo mi pozvani na usmenu raspravu. Prema tome, nemojte da vam uzor budu općine, kao što je Općina Žepče da me ne shvatite pogrešno. Općina Žepče je čini mi se u šestom mjesecu dobila izvještaj o reviziji, naravno da je završila izjašnjenje ispred parlamentaraca u Domu naroda, to je normalno. Normalno je da je to vijeće raspravljalo o tom izvještaju. Proces revizije Općine Maglaj još uvijek nije završen. Ne može se o tome raspravljati dok još uvijek sve ne bude na sonu. Još uvijek nije Općina dala svoj stav prema parlamentarcima, odnosno prema parlamentarnoj komisiji, još uvijek se nismo suočili oči u oči sa svim onim što je revizija dala, sa svim onim što je revizija konstatovala. Ja ovdje zaista ne bih otvarala ovu temu da ne oduzimali današnje vrijeme...

Predsjedavajuća Svjetlana Zamboni-Radovanović, slažem se.

Dženana Hadžiedhemović, ni današnju sjednicu. Također u samom izvještaju vijeće kad bude raspravljalo o reviziji vidjet ćete da postoje neke stvari gdje je Općina Maglaj dobila instrukciju od strane Federalnog ministarstva finansija za postupanje, međutim da je revizija istu instrukciju osporavala. Zašto to? Nama je Federalno ministarstvo zakonodavac i tumač zakona koji se odnose evo konkretno u finansijskom dijelu i o tome po tome. To ćemo vidjeti kako će se to dalje realizovati. Prema tome o reviziji se ne može još uvijek raspravljati, odnosno o izvještaju o obavljenoj reviziji jer on još uvijek nije okončan.

Predsjedavajuća Svjetlana Zamboni-Radovanović, hvala lijepo

Dženana Hadžiedhemović, ja stojim tu naravno da odgovaram na sva vaša pitanja nije sporno ali zaista ne vidim razloga....

Predsjedavajuća Svjetlana Zamboni-Radovanović, hvala Vam Dženana. Lijepo ste to obrazložili kao i na sjednici Kolegija. Uopće ne bih više raspravljala o reviziji, to nije ni predmet diskusije. Predmet diskusije je Dnevni red, ukoliko imate primjedbi na predloženi Dnevni red izvolite. Pauza Klub SDA. Nastavljamo s radom. Bila je pauza Kluba SDA, izvolite. Molim vas da ostanemo na diskusiji vezanoj za Dnevni red.

Vijećnik Safet Jašić, selamim i pozdravljam sve prisutne. Mi smo iskoristili pauzu i da završimo što se tiče ovoga predmeta revizije i onda ćemo ići.

Predsjedavajuća Svjetlana Zamboni-Radovanović, Dnevni red gospodine Jašiću. Govorimo o Dnevnom redu, a ne o reviziji.

Vijećnik Safet Jašić, mi smo uzeli pauzu po ovome materijalu..

Predsjedavajuća Svjetlana Zamboni-Radovanović, po kojem materijalu?

Vijećnik Safet Jašić, i mi smatramo...

Predsjedavajuća Svjetlana Zamboni-Radovanović, oprostite, po kojem materijalu?

Vijećnik Safet Jašić, o ovom materijalu koji je bio na Kolegiju i koji je sasvim normalno bilo da dođe.

Predsjedavajuća Svjetlana Zamboni-Radovanović, a koji je materijal bio na Kolegiju?

Vijećnik Safet Jašić, predmet revizije....

Predsjedavajuća Svjetlana Zamboni-Radovanović, nije to bilo na Kolegiju, izvinite molim Vas, ja sam bila.

Vijećnik Safet Jašić, ma imam pravo da bar dam sugestiju ako ništa drugo i nemojte, dozvolite mi ...za svaku diskusiju.

Predsjedavajuća Svjetlana Zamboni-Radovanović, dozvolite mi gospodine Jašiću, hajde da se držimo ipak Poslovnika. Nikakav dokument kako ga vi nazivate, odnosno predmet nije bio na Kolegiju pod tim imenom. Na Kolegiju je bio isti prijedlog Dnevnog reda kao što je to danas. U okviru Nacrta Budžeta otvorila se rasprava o dokumentu revizije. On uopće nije bio predmet u Dnevnom redu.

Vijećnik Safet Jašić, u bilo kojoj da je formi nikako ne bi bila greška što je naš Klub tražio da se nađe kao informacija. Ovdje nema ništa sporno.

Predsjedavajuća Svjetlana Zamboni-Radovanović, kad dođe vrijeme naravno.

Vijećnik Safet Jašić, ako je to normalno da se....

Predsjedavajuća Svjetlana Zamboni-Radovanović, hajde izvolite, imate pravo na diskusiju, završite.

Vijećnik Safet Jašić, a evo ja sam izašao iz tog razloga. Znači, nemojte ako je došlo do ovoga da..hoćemo da budemo jednako svi informisani, bez obzira što je to bilo samo na Kolegiju. Danas je trebalo da bude informacija i možda bi danas drugačije uradili kada je u pitanju Nacrt Budžeta. Eto toliko.

Predsjedavajuća Svjetlana Zamboni-Radovanović, dobro, hajde ko je htio da shvati poentu izlaganja šefice Službe shvatio je ko nije i neće. Nemamo razloga da dalje diskutujemo o tome. Diskusija po pitanju Dnevnog reda. Nema više prijavljenih. Zaključujem diskusiju i osvrnut ću se ne iznijeti Prijedlog od strane gospodina Begića, predsjednika Kluba SDA vezano za naknade za rad vijećnika na današnjoj sjednici i reći da to nije predmet rasprave, niti tačka Dnevnog reda tako da se nećemo ni izjašnjavati po tome. Vi možete u okviru Inicijative to ponovo pokrenuti. Vijećnici do tada neka razmisle ako to dođe u vidu Inicijative, a ja sada pozivam vijećnike da se izjasne po pitanju prijedloga po Dnevnom redu od strane Kluba SDA, a to je da se Nacrt, odnosno sve tačke vezane za Nacrt Budžeta skinu sa Dnevnog reda današnje sjednice. Ko je za ? Hoćete molim Vas Elza ili Emina prebrojati vijećnike?

Glasalo za; Adis Abdurahmanović, Jasmin Begić, Mirsad Bejzić, Safet Jašić, Eldis Kusr, Edin Osmić, Maid Suljaković, Eldin Pehrat, Edin Salatović (SDA),

Glasalo protiv; Svjetlana Zamboni -Radovanović,Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević,Senad Šehić(SDP), Aida Bašić(A-SDA)Mustafa Bešić (samostalni vijećnik), Elvir Vehabović (samostalni vijećnik),Pero Mamić(HDZ BiH), Hajrudin Ferić(DF).

Uzdržani; nema

Konstatujem da prijedlog SDA nije dobio potrebnu većinu. Te nastavljamo s radom.

AD – 1 a) Nacrt Budžeta/Proračuna Općine Maglaj za fiskalnu 2022.godinu;

b) Nacrt Odluke o izvršavanju Budžeta/Proračuna Općine Maglaj za fiskalnu 2022.godine;

c) Dokument okvirnog Budžeta/Proračuna Općine Maglaj za period 2022 - 2024. godinu.

Predsjedavajuća Svjetlana Zamboni-Radovanović, prelazimo na prvu tačku Dnevnog reda a vjerovatno i najznačajniju za današnju sjednicu a to je a) Nacrt Budžeta/Proračuna Općine Maglaj za fiskalnu 2022.godinu; i predlažem da diskutujemo odmah i pod b i c a to su

b) Nacrt Odluke o izvršavanju Budžeta/Proračuna Općine Maglaj za fiskalnu 2022.godine;

c) Dokument okvirnog Budžeta/Proračuna Općine Maglaj za period 2022 - 2024. godinu. Šefica službe koja će pretpostavljam biti i uvodničar po ovoj tački Dnevnog reda, molim Vas objedinite onda sve i zamolila bih Vas Dženana na kraju svog izlaganja da sugerišete proces odvijanja Javne rasprave, okvire u kojem periodu itd. Nismo jel? Ja se izvinjavam obzirom da je konstatacija, Dženana hoćete mi samo..da konstatujemo da se nismo izjasnili po Dnevnom redu nego samo o prijedlogu se izjašnjavali. Dakle Klub SDA nije dobio potrebnu većinu za svoj prijedlog te ovakav prijedlog Dnevnog reda kakav je i došao u sazivu stavljam na glasanje. Ko je za ovakav Dnevni red? Hvala Vam gospodine Bešiću na sugestiji:

Glasalo za; Svjetlana Zamboni -Radovanović,Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević,Senad Šehić(SDP), Aida Bašić(A-SDA)Mustafa Bešić (samostalni vijećnik), Elvir Vehabović (samostalni vijećnik),Pero Mamić(HDZ BiH), Hajrudin Ferić(DF).

Glasalo protiv; Adis Abdurahmanović, Jasmin Begić, Mirsad Bejzić, Safet Jašić, Eldis Kusr, Edin Osmić, Maid Suljaković, Eldin Pehrat, Edin Salatović (SDA). Konstatujem da smo usvojili ovakav Dnevni red kakav je i došao u prijedlogu.

DNEVNI RED

1. a) Nacrt Budžeta/Proračuna Općine Maglaj za fiskalnu 2022.godinu;

b) Nacrt Odluke o izvršavanju Budžeta/Proračuna Općine Maglaj za fiskalnu 2022.godine;

- c) Dokument okvirnog Budžeta/Proračuna Općine Maglaj za period 2022 - 2024. godinu;
2. Izvještaj o izvršenju Budžeta/Proračuna Općine Maglaj za period 01.01.-30.06.2021. godine;
3. Informacija
 - a) Periodični finansijski izvještaj Budžeta/Proračuna Općine Maglaj za period 01.01. – 30.06.2021.godine;
 - b) Periodični finansijski izvještaj Budžeta/Proračuna Općine Maglaj za period 01.01. – 30.09.2021.godine;
4. Prijedlog Odluke o pristupanju djelimičnoj izmjeni Regulacionog plana „Centar Maglaj – sjeverni dio“ po zahtjevu MEGA TAS doo Maglaj;
5. Prijedlog Odluke o usvajanju djelimične izmjene Regulacionog plana „Centar Maglaj – sjeverni dio“ po zahtjevu Hrnjić Minadira i Mulaomerović Melise;
6. Prijedlog Odluke o usvajanju djelimične izmjene Regulacionog plana „Novi Šeher“ po zahtjevu Čajić Maria;
7. a) Prijedlog Odluke o gubitku statusa javnog dobra u općoj upotrebi, k.č.br. 652/2 k.o. Novi Šeher (Bašić Suvad);
 b) Prijedlog Odluke o gubitku statusa javnog dobra u općoj upotrebi, k.č.br. 1581/13 k.o. Liješnica (Salkanović Semir);
 c) Prijedlog Odluke o gubitku statusa javnog dobra u općoj upotrebi, k.č. br. 1581/14 k.o. Liješnica (Salkić Salim);
8. Nacrt Odluke o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj svojini;
9. Nacrt Odluke o zaštiti izvorišta Rakovac;
10. Informacija o toku izrade Prostornog plana općine Maglaj;
11. a) Informacija - Akcioni plan 2021-2023 implementacija Analize stanja socijalne zaštite u Zeničko-dobojskom kantonu sa posebnim osvrtom na utjecaj pandemije koronavirusa na sistem socijalne zaštite;
 b) Informacija o provedbi Odluke o socijalnoj zaštiti na području općine Maglaj;
12. Informacija o zdravstvenom stanju stanovništva općine Maglaj za 2021.godinu;
13. Informacija o radu obrazovnih ustanova na području općine Maglaj za školsku 2020/2021.godinu i GPR za 2021/2022.godinu;
14. Informacija o djelovanju NVO i drugih civilnih organizacija koje se sufinansiraju;

15. Informacija o stanju sporta i sportskih terena na području općine Maglaj

Evo sada Dženana izvolite. Malo ćemo to presložiti samo u Zapisniku.

Dženana Hadžiedhemović (uvodničar), evo ovako u materijalima ste dobili Nacrt Budžeta i sami vidite da je Budžet u dijelu prihoda i razhoda uravnožen i iznosi 7.815.990,00 KM. Što se tiče Nacrta, Nacrt je rađen u skladu sa zakonom i do momenta održavanja ove sjednice Općina Maglaj je naravno dobila pozitivno mišljenje na Nacrt Budžeta koji je usklađen sa zakonskom procedurom od strane Kantonalnog ministarstva finansija. Evo kad već, ja ne mogu da se ne osvrnem obzirom da smo maloprije vodili diskusiju vezano za revizorski izvještaj pa evo tada sam zaboravila da kažem ujedno ću reći da sam gledala neke općine nama susjedne. Revizorski izvještaje gdje je revizija konstatovala da općine nisu dobile pozitivno mišljenje od strane Kantonalnog ministarstva ali su ipak kao takve Nacrte nudile svom vijeću i vijeće je to dalje usvajalo. Naravno to nije slučaj sa našom općinom. Mi smo dobili pozitivno mišljenje i usklađeno sa Zakonima od strane Kantonalnog ministarstva finansija. Budžet je takav kakav jeste. Kao što sam već rekla uravnotežen je. Općina planira ostvarenje tekućeg suficita, obzirom da su kapitalni primitci samog Budžeta nešto manji u odnosu na kapitalne izdatke. Tako da kapitalni izdaci su u Budžetu, što možete vidjeti na stranama 1.i 2.će se finansirati iz ostvarenja tekućeg suficita. Naravno kako će nam biti izvršenje to niko od nas ne može predvidjeti. Sama situacija sa koronom je takva kakva jeste ali eto mi se nadamo da ćemo ispoštovati onako kako je to plan, barem u najvećem mogućem omjeru. Što se tiče same projekcije, ona je rađena otprilike prema ostvarenjima sa 15.10.

2021.godine tako da smo na taj način pravili projekcije za narednu godinu u dijelu i prihoda i razhoda. Naravno poštujući u dijelu prihoda, poštujuemo projekcije Federalnog ministarstva finansija koje se prosljeđuju općinama putem Kantonalnog ministarstva finansija, oni se direktno odnose na prihode od indirektnih poreza. Tu prvenstveno mislim na poštivanje prihoda od PDV-a. Naravno u samoj tabeli prihoda, kao najznačajniji porast upravo bilježi prihodi od PDV-a što prema projekcijama i prema ostvarenju na osnovu ukupnog bruto ostvarenog prihoda na teritoriji BiH. Prihodi od PDV-a bilježe značajan rast. Naravno taj rast još uvijek nije dostigao onu 2019.godinu kada smo imali vrtoglavi rast i najznačajnije prihode, hajde da kažem u historiji od PDV-a. Tako da još uvijek nismo stigli tu godinu ali značajno je posebno kada posmatramo u odnosu na 2020.godinu. Također što se tiče prihoda ja ću skrenuti pažnju ovdje i na povećanje prihoda od kada gledamo porez na imovinu. Tu prvenstveno mislim na porez na nepokretnosti i porez na darove, naslijeđe. Naravno to je nemoguće predvidjeti jer niko od nas ne zna šta će se dešavati. Ne možemo precizno predvidjeti ali evo činjenica je da vidite i u samom Nacrtu, obzirom da imate izvršenje sa 30.06. vidite već da je sa 30.06. porez na promet nepokretnosti fizičkih lica na području općine Maglaj ostvaren u visini od 114.000,00 što je više nego od ukupno planiranih za 2021.godinu 140.000,00. Kada govorimo o razhodima, razhodi su također planirani na osnovu, na bazi izvršenja zaključno sa 15.10. Tu su neke manje oscilacije, gdje je iskazana potreba da se određene stavke povećaju, da se određene stavke smanje. Ja ne bih zaista vama ni da oduzimam vaše vrijeme, da o svakoj poziciji ovdje ponaosob ovdje govorim. U svoji materijalima tu imate. Naravno ostajem tu za sva vaša pitanja. Tu su i šefovi resornih službi, ukoliko se konkretne pozicije i pitanja koja imate odnose na njih i tako da mogu da me dopune. To je što se tiče samog Nacrta ovog tabelarnog pregleda. Za svako pitanje, tu sam. Ja sad ne znam da bih šta preskočila

Predsjedavajuća Svjetlana Zamboni-Radovanović, ako možete predložiti period provođenja Javne rasprave.

Dženana Hadžiedhemović, sad sam htjela da kažem, što se tiče Odluke o izvršenju. Odluka o izvršenju je kao i ranijih godina. Obzirom da ona odgovara potrebama funkcionisanja Budžeta i pokriva sve ono što nama zakonska regulativa nalaže, tako da tu nije bilo značajnijih izmjena. Kada govorimo, obzirom da je predsjedavajuća rekla da i pod tačka c.koja se odnosi na Dokument okvirnog Budžeta, ja ovdje skrećem pažnju to je već jednom čini mi se kad smo usvajali Budžet za 2021.godinu. Općinsko vijeće se ne izjašnjava po tački c. To je Dokument okvirnog Budžeta koji je rađen od strane službe i Načelnika općine, koji je Načelnik usvojio u skladu sa zakonskom regulativom zaključno sa 30.06. Općinskom vijeću se Dokument okvirnog Budžeta dostavlja čisto kao informacija samo da vidite projekcije kako se to planira za 2022.godinu,2023.i 2024.godinu. Ono što bih još skrenula pažnju je na toj sjednici kad je bio Nacrt Budžeta bilo je zašto se odstupaju određeni prihodi i razhodi u Dokumentu okvirnog Budžeta u odnosu na predloženi Nacrt. To da kažem, da to mora biti tako, zato što Dokument okvirnog Budžeta se radi u junu mjesecu.maj/jun kada mi dobijamo od Federalnog ministarstva projekcije koje tada moramo uključiti. Dok se Nacrt radi evo vidite u oktobru/novembru kada mi dobijamo zaključno sa 25.-tim oktobrom revidirane projekcije od strane Kantonalnog ministarstva finansija, govorim u dijelu znači prihoda. Tako da u tom slučaju znači Dokument okvirnog Budžeta tačka 1.c. vijeće se ne izjašnjava, primete k znanju čisto kao informaciju. Naravno ono što je u Dokumentu okvirnog Budžeta predstavljeno što se tiče prihoda u momentu kad smo radili tada se zagovarala izmjena određene zakonske regulative, putem sredstava informiranja vjerujem i vama vijećnicima je poznato je bio prijedlog izmjene Zakona o doprinosima gdje bi..šta bi se sve oporezivalo, kolika bi to bila stopa doprinosa, potom Zakon o izmjeni poreza na nepokretnosti itd. Tako da su tada u tom momentu rađene projekcije i prijedlog za naredne tri godine u skladu sa tim mogućim izmjenama. Da li će to biti i kako će to biti to ne zavisi od Općine Maglaj, niti od vas vijećnika nego od onih koji donose zakone. Na samom kraju ja bih još predložila kao što mi je predsjedavajuća sugerisala termini održavanja javnih rasprava, da se termin održavanja javne rasprave objavi već danas i da traje zaključno sa 10.-tim decembrom, to dođe petak. Da tada bude zakazana centralna javna rasprava u sali ili u kino Sali vidjet ćemo ovisno od interesanata, s tim da bih ja dala samo napomenu da ukoliko dođe do pogoršanja epidemiološke situacije, do

ograničavanja određenih... možda zabrane okupljanja ukoliko Fedralni krizni štab konstatuje nešto od toga da služba odnosno vijeće daje ovlaštenje službi i Načelniku općine da izmijeni, odnosno da javnu raspravu ostavi samo u pisanoj formi. Ukoliko bi došlo naravno do pogoršanja epidemiološke situacije kako ne bismo pravili neke situacije koje naravno niko od nas ne želi.

Predsjedavajuća Svjetlana Zamboni-Radovanović, dobro je da ste to napomenuli jer ne bismo u slučaju da dođe do takvih promjena nismo o tome govorili morali bi smo održati još jednu sjednicu da donesemo takav zaključak. Hvala Dženana. Otvaram raspravu vezanu za Nacrt Budžeta i dokumenata vezanih za Budžet. Nema zainteresovanih. Te zaključujem raspravu. Mirza, oprostite nisam Vas vidjela, izvolite. Ne znam šta se čeka ono zadnji momenat. Dobro.

Vijećnik Mirza Bradarić, evo ja vas želim na samom početku sve zaista srdačno da vas pozdravim. Evo prva tačka Dnevnog reda na današnjoj sjednici vijeća je znači, Nacrt. Sama riječ Nacrt, govori da mi imamo nekakav ovdje i materijal vezano za kojeg imamo priliku i raspravljati. Javna rasprava će evo biti gdje ćemo mi imati priliku da svi iznesemo svoje konačne nekakve stavove i svoje konačne prijedloge. Ja zaista ne bih puno..ima samo par nekakvih stvari koje želim pitati, čisto radi javne rasprave kako bi mogli se odrediti u kojem ćemo smjeru mi ići, kada bude Prijedlog Budžeta. Šefica službe je zaista evo ove stvari pojedine već pojasnila, tako da ću ja samo u nastavku imati par pitanja. A kada govorimo o samom materijalu, Nacrtu Budžeta općine Maglaj za 2022.godinu iz materijala je zaista vidljivo da su Načelnik općine kao predlagač i služba kao obrađivač i kreator dokumenta projekcije uradili zaista na osnovu presjeka onog sa 30.06.2021.godine osim za plan ovaj prihoda od indirektnih poreza što je već šefica i govorila. Ja ću se samo malo ovdje pozabaviti ovom stavkom gdje su u pitanju razhodi pa ću samo o pojedinim stavkama postaviti pitanja, pa ako šefica službe bude u mogućnosti da nam malo samo te stvari razjasni. Recimo evo ekonomski kod 613973 Izdaci za pripravnike bez zasnivanja radnog odnosa bilježi zaista jedno povećanje od 8.000,00 KM u odnosu na plan iz 2021.godine i iznosi ukupno 26.000,00 KM. Svjesni smo mi zaista koliko je za daljnji uspjeh i za zapošljavanje važno obaviti godinu pripravnčkog, godinu stručnog osposobljavanja i tako postati zaista konkurentan na tržištu rada jer svjesni smo mi zaista da bez godine pripravnčkog, bez obavljenog pripravnčkog teoretski su jako slabe mogućnosti za dalje zapošljavanje i za dalji rad. Na ekonomskom kodu 614311 grantovi neprofitnim organizacijama, kultura evidentirano je povećanje što nudi nadu zaista. Evo svi smo mi svjesni u kakvom se periodu nalazimo po pitanju ove problematike sa korona virusom i ovo zaista povećanje budi nadu da će u narednoj godini se nadamo se normalizovati određene stvari te da će biti moguće i realizovati određeni kulturni događaji a naročito ovdje mislim i nadam se da većina vas misli kada govorimo o kulturi mislimo na manifestaciju Studentsko ljeto. Na ekonomskom kodu 615211 podsticaj zapošljavanja mladih poduzetnika ta stavka je povećana za 5.000,00 KM u odnosu na Plan što govori o nastojanju Općine Maglaj, odnosno Načelnika općine kao predlagača i svih službi da se zaista ide ka tome da što više mladih ljudi pokaže svoju kreativnost i jednostavno stekne određene uslove za prvi biznis i ostvarivanju jednostavno svoje egzistencije. U dijelu kapitalnih izdataka vidljive su investicije kao što je investicija Uica Srebreničkih žrtava rata u visini od 220.000.00 KM, pa bih ja zamolio samo šeficu pojašnjenje tog planiranog iznosa, odnosno koje konkretno vrste radova biti izvođene kada je u pitanju ova cifra. Također nastojanja za proširenje poslovnih zona na području cijele općine su zaista jasna a u prilog tome stoji svakako i poslovna zona Novi Šeher, evo možda i danas nekakva simbolika obzirom da pričamo o tome a danas se nalazimo u Novom Šeheru, te kako se zaista u ponuđenom Nacrtu radi ipak o nešto manjim sredstvima za ove namjene uvažavajući kompleksnost i strukturu izvođenja radova koji podrazumijevaju izgradnju poslovne zone, pa bih šefice ako možete malo pojašnjenje konkretno za ovu zonu, poslovnu zonu vezano u Novom Šeheru. Ja zaista mogu reći evo u ime Kluba da je situacija u zadnje dvije godine jako teška. Svi smo mi svjesni toga. Nacrt Budžeta je takav jeste ali se isto tako nadamo da i izvršenje ovog planiranog Budžeta biti u što većoj realizaciji. Eto toliko sada za sad na početku, ako možete samo pojašnjenja, ako imate pojašnjenja za ovih par pitanja, stojim na raspolaganju. Naravno što sam zaboravio reći u ime Kluba SDP-a da kažem da ćemo mi ovaj Nacrt Budžeta za 2022.godinu prihvatiti.

Predsjedavajuća Svjetlana Zamboni-Radovanović, hvala Mirza. Htjela sam reći i prije nego sam otvorila raspravu. Dakle onako kako bi to trebalo da bude praksa. Ako ćemo danas raspravljati o sredstvima ili stavkama i predlagati određene izmjene na Nacrtu, da vodimo računa odakle uzimamo, gdje prebacujemo itd.itd. tako da bi građani bili svjesni kome se umanjuje, kome se povećava stavka unutar Budžeta. Gospodin Galijašević se javio. Galijašević.

Vijećnik Firuz Galijašević, pozdravljam sve prisutne. Neću dugo. Razhodi Budžeta općine Maglaj analitički dio 613724 na strani 10.tekuće održavanje i rekonstrukcija lokalnih i nekategorisanih puteva, gradskih ulica, zimsko i ljetno namjenska i vlastita sredstva. Nadam se da će i moj Moševac dobiti nekoliko metara asfalta, naravno ondje gdje je potrebno kako stara moševačka kaže:“Što više date, manje se stidite“ i drugi dio analitički dio 22, strana 13. Nagrade učenicima i prosvjetnim radnicima osnovnih i srednjih škola za općinska i kantonalna takmičenja. Mislim da bismo trebali dodati novu poziciju- Nagrade za završen studij odličnim uspjehom prvog i drugog ciklusa obrazovanja. Zato treba da se pobrine nadležna općinska služba. Do sada je bila praksa da se nagrađuju određeni nadareni učenici i studenti ali nikako se nisu nagrađivali naši sugrađani za završeno školovanje odličnim uspjehom, a da su to planirana sredstva za svojom pozicijom u Budžetu. To bi bilo više moralno nego materijalno priznanje naše Općine i podstrek da ostanu u našem gradu, da se ne odsele u zemlje Europske unije kao mnogi drugi. Mišljenja sam da bismo u toku godine imali jedno ili možda ni jednu osobu koja ispunjava uslove za nagradu. Koliko znam imamo jednu našu sugrađanku koja je magistrirala menadžment prosjekom 10,00 to je Turčinović Lejla iz Čoba. Prošle godine je dobila pohvalu od strane Federalnog ministarstva za nauku i obrazovanje kao jedna od najboljih studenata u Federaciji BiH kada je diplomirala na Metalurškom fakultetu i stekla zvanje diplomirani inženjer hemijske tehnologije. Eh hvala.

Predsjedavajuća Svjetlana Zamboni-Radovanović, hvala lijepo. Fermić pa Bešić a i ja se javljam za riječ, zatim Jašić. Dženana ja bih samo molila da pribilježite ovo da možete vijećnicima ponuditi odgovor.

Vijećnik Hajrudin Fermić, ja takođe pozdravljam sve pristune i evo nadam se da ćemo u ovoj prekrasnoj Sportskoj dvorani zaista da efikasno radimo i da sa ovom praksom nastavimo i ubuduće u onim područjima općine Maglaj u kojima postoje uslovi da se sjednice Općinskog vijeća organizuju što sigurno će značiti i tim ljudima kada odemo a isto tako evo i mi ćemo na licu mjesta barem oni koji nisu u prilici ovaj malo поближе upoznati našu općinu odnosno sve te krajeve. Naime, kada govorimo Nacrtu Budžeta ja ću iznijeti samo nekoliko rečenica, nekoliko zapažanja i stavova DF-a, dakle i u čije sam ime vijećnik. Ako dozvolite mogu progovoriti i dvije tri rečenice i o Nacrtu odluke i izvršenju Budžeta da ne izlazim dva puta.

Predsjedavajuća Svjetlana Zamboni-Radovanović, naravno, da, da.

Vijećnik Hajrudin Fermić, dakle naše zapažanje kada je u pitanju Nacrt Budžeta prema ovim brojkama koje smo vidjeli i određenim tumačenjima obrađivača možemo komotno zaključiti da je ovo i u 2022.godini stabilizirajući Budžet. Dakle osim određenih stavki koje je pomenuo kolega Bradarić, Mirza Bradarić gdje su povećane ili su malo drugačije regulisane stavke. Mi smo mišljenja da ovaj Budžet u formi Nacrta zadovoljava onaj minimum normalnog funkcionisanja svih javnih ustanova, organa uprave i uopšte jedan normalan, normalnu djelatnost u javnim oblastima koja je i obaveza za nas. Dakle tu prije sve mislimo na stavke koje garantuju da će i socijalna zaštita ostati ne manje nego što je bila u predhodnim periodima. Da su sredstva za infrastrukturne projekte, sanaciju i održavanje puteva javne rasvjete, vodovoda itd. Također u određenim segmentima i povećana a u određenim segmentima zadržana na nivou postojećeg što omogućava hajde da kažemo opet taj minimum funkcionisanja. Također ono što treba ovdje istaći jeste da su sredstva a nije bilo nezadovoljnih kada je u pitanju i poticaj u poljoprivrednoj oblasti, zatim u sportu, u mnogim drugim oblastima, ekologiji itd. Želim samo ovdje napomenuti da DF je dakle vidio i primjetio da su ostali oni projekti koje je inicirao nekad u prošlom sazivu između ostalog Start-Up program poticaj za zapošljavanje mladih, odnosno nezaposlenih. Zatim tu je i dalje ova akcija biramo najljepšu baštu balkon, ono što nije ovdje zatim ima poticaja također za demografski razvoj, odnosno poticaj natalitetu. Ono što nema ovdje a što ja predlažem da se u Nacrt uvrsti, dakle Nacrt nije amandmanski nije prijedlog Odluke i možemo da predlažemo danas

određene stavke jeste da se uvrsti 15.000,00 u Nacrt Budžeta na onu stavku koja je i bila prije dvije godine, tri godine poticaj u subvencioniranje utopljanja zgrada, stambenih zgrada. Ovo prije svega je važno i sa našeg aspekta strategije smanjenja zagađenosti CO jedinjenja itd. da puno ne obrazlažem zašto je ovo potrebno. Mislim da ta sredstva i simbolički mogu da budu poticajna kod velikog broja građana koji je zainteresovan dakle kako za utopljanje zgrada, tako isto i za zamjenu azbestnih krovova na neki način jel i pričat ćemo o zdravstvenom stanju stanovništva tamo negdje pred kraj ove sjednice vijeća i vidjet ćemo da je i to jako važno i potrebno. To su neke otprilike neka zapažanja naravno bit će prilike i kroz javnu raspravu da se konkretno detaljiše o svemu tome. Kada je u pitanju Nacrt Odluke o izvršenju Budžeta mi ćemo kroz javnu raspravu dakle DF dati svoje konkretne prijedloge kako da se poveća transparentnost trošenja Budžeta. Naime činjenica je da evo i kroz ovaj prijedlog, odnosno Nacrt ne pravimo iskorak naprijed. Ne pravimo iskorak više u tom smislu čak predlažem i sugerisem da se kroz javnu raspravu a i obrađivač materijala zaista da dobro porazmisli da uvrsti ono što ne neophodno iz nalaza Ureda za reviziju a što bi trebalo da bude u ovoj Odluci o izvršenju Budžeta i druga stvar da porazmisli o tome da li su možda u kontradiktornosti određeni veći broj članova ove Odluke kada se govori i ko donosi Odluke o kapitalnim investicijama itd., o tekućim transferima, transferima pojedinca jer mi ovdje kao Općinsko vijeće imamo i zakonsku obavezu da donosimo programe a to i radimo. Mi i donosimo nakon ovih, nakon usvajanja Budžeta akobogda, mi ćemo svakako imati na Dnevnom redu veliki broj programa sanacije, održavanja, rekonstrukcije cesta, rasvjete itd da samo vas posjetim. Dakle mislimo da te stvari bi trebale da budu uvrštene u Nacrt Odluke o izvršenju Budžeta a time bi i napravili iskorak kada je u pitanju transparentnost i na kraju kajeva približavanje Budžeta nama i građanima općine Maglaj. To je otprilike ovako nekoliko teza koje sam imao želju da iznesem i to je za sada to.

Predsjedavajuća Svjetlana Zamboni-Radovanović, hvala lijepo. Gospodin Bešić.

Vijećnik Mustafa Bešić, evo ja bih vas sve selamio i pozdravio. Veliko mi zadovoljstvo ovdje kao jedan dio reći ću domaćina na Novo Šeherskom kraju što ste nam ovo priuštili i obezbjedili da imamo ovako jednu, reći ću slobodno svečanu sjednicu na Novo Šeherskom kraju. Vratit ću se na ovo što sam izašao, to jeste Nacrt Budžeta za 2022.godinu kao što znamo Nacrt ide u javnu raspravu pa ja neću se puno oko toga sad izjašnjavati, ali reći ću par stavki koje jako mene interesuju i mislim MZ. Imamo ekonomski kod 615117 kapitalni transferi po MZ, sufinansiranje i finansiranje projekata gdje se planira izdvojiti 350.000.00 KM to me jako raduje da će akobogda biti ulaganja u svim MZ na općini Maglaj. Imamo ekonomski kod 615118 rekonstrukcija, sanacija održavanje izgradnje infrastrukturnih objekata sufinansiranje projekata u visini od 550.000,00 KM gdje ćemo i tu svi akobogda vidjeti dobrobit za čitavu našu općinu Maglaj. Imamo ono isto što me interesuje tekuća održavanja i rekonstrukcija lokalnih puteva, nekategorisanih puteva, gradskih ulica, zimsko održavanje gdje se planirao isto izdvojiti 425.000,00 KM, ovdje bih sugerisao Općinskom načelniku i službama, evo vidite da nam je snijeg okolo na ovom našem Matinskom visu da su ako su u mogućnosti da nam pripreme već jedan dio posipnog materijala na ovim ključnim mjestima u MZ gdje su uzbrdice da može se akobogda nesmetano odvijati saobraćaj. Bojim se da nas opet neće zateći, a nije to velik trošak 2-3 kubika u više MZ da se ostavi na ovim ključnim pozicijama poput Čoba, Kopica, Domislice, Misurića, Bradića itd.itd. Eto toliko. Ja ću podržati ovaj Nacrt Budžeta. Toliko. Hvala

Predsjedavajuća Svjetlana Zamboni-Radovanović, hvala. Javljam se za riječ. Pa onda vi gospodine Jašiću.

Vijećnica Svjetlana Zamboni- Radovanović, ja bih samo zamolila šeficu službe, dakle za jednu sugestiju u periodu provođenja javne rasprave kao vijećnica predložiti ću izgradnju pet parka na području općine Maglaj. Ja bih vas samo molila da u toku diskusije iznesete gdje i kako da planiram. Na koju stavku da se usmjerim, odnosno odakle i gdje se mogu planirati sredstva za takvu vrstu projekta. Hvala .

Dopredsjedavajuća Aida Bašić, hvala predsjedavajuća. Gospodine Jašić izvolite.

Predsjedavajuća Svjetlana Zamboni-Radovanović, gospodin Jašić, dopredsjedavajuća vas je prozvala. Zatim Abdurahmanović, zapravo dopredsjedavajuća pa vi.

Vijećnik Safet Jašić, prije nego bilo šta kažem kada je Nacrt Budžeta u pitanju ja ću ispred Kluba SDA reći da ćemo mi svoje prijedloge pored ovih danas koji će biti izneseni u jednom roku koji je do javne rasprave i do samog Prijedloga Budžeta pismeno dostaviti...

Predsjedavajuća Svjetlana Zamboni-Radovanović, kako je i pravilo, naravno.

Vijećnik Safet Jašić, na adresu Općinskog vijeća. Evo sad ću uzeti riječ pa ću malo reći nešto o Nacrtu Budžeta. U strukturi prihoda i primitaka dio koji se odnosi na porezne prihode, koji se sastoje od direktnih i indirektnih poreza. Kada se te dvije cifre...ja bih zamolio stvarno da mene sad bar ovaj dio Dženana, šef službe pratite..kada se te dvije cifre saberu dobije se cifra od 4.207.569,00 KM a ne 4.507.569,00 KM kako je prikazano u tabeli. Pogrešna cifra povlači se i kroz Nacrt Budžeta. Pitanje je, šta je sa tim. Znači, razlika je od 300.000,00 KM. Šta je razlika sa tih 300.000,00 KM, koje praktično ne postoje jer su uračunate pogrešnim zbrajanjem i kako ta greška utiče na kompletan dokumenat Nacrta Budžeta, odnosno Proračuna Općine Maglaj za 2022.godinu. To malo pogledajte dok ja ovo...pa evo vidjet ćete kako sam to primjetio, mogu vam i pokazati. Dalje, analitički dio 613724 svi se najviše otprilike na ovo lociramo, ovo i jeste najbitnija stvar, ovo je život naš kada su u pitanju tekuće održavanje rekonstrukcija lokalnih i nekategorisanih puteva i gradskih ulica. Sredstva u ovom Nacrtu Budžeta su ostala na istom nivou kao što su i bila. Većina lokalnih i nekategorisanih cesta a i gradskih ulica je u jako lošem stanju i potrebno je predvidjeti veća sredstva kako bi se sanirala i smanjila oštećenja. Evo ja ću vama reći samo jedan primjer. Na 8.redovnoj sjednici sam postavio vijećničko pitanje za sanaciju puta Novi Šeher- Kopice u dužini od 5 km. Taj put se ne može više rekonstruisati ispod 100.000,00 KM. Dolazi se u teže stanje i vidjet ćete da ćemo imati problem . Pogledajte, pozivao sam čak i službe u onom sazivu da se izađe, snimi i da se zamijeni odnosno da se rekonstruišu ovakve važne saobraćajnice a ne neki privatni sokaci, putevi i ulazi u privatni posjed. Mislim da bi sa tim dobili, izbili ove populističke neke radnje. Dalje, analitički dio 613994 tekući transferi MZ, odnosno sredstva za redovan rad su također ostala na istom nivou. Ukoliko želimo stvarno da nam MZ budu aktivne, moramo pronaći načina da se ljudi koji rade u vijećima MZ-a budu na neki način stimulisani jer sve je manje onih koji žele. Zaista je sve manje ljudi koji žele da rade na volonterskoj osnovi i ne samo u MZ nego bilo šta. Znači, trebalo bi povećati iznos za redovan rad MZ. Poznato nam je da u 2021.godini MZ su bile u stanju takvom kakvo jesu i mislim da nije izdvojeno ništa u ovoj tekućoj godini i evo mi predlažemo da to što nije bar taj dio što nije prošle godine, što nisu MZ koristile i plus ovaj za 2022.godinu tako da bi se to povećalo za nekih 30.000,00 KM i bio bi 60.000,00 KM što bi bilo budite sigurni jedan stimulans i značajno bi bilo to za rad MZ.

Predsjedavajuća Svjetlana Zamboni-Radovanović, vrijeme gospodine Jašiću molim vas.

Vijećnik Safet Jašić;znao sam.

Predsjedavajuća Svjetlana Zamboni-Radovanović, onda trebate voditi računa.

Vijećnik Safet Jašić, što se tiče poticaja za demografski razvoj, također je ostao na istom nivou. Činjenica je da se rađa malo djece i da se ne potroše ni predviđena sredstva. Znači, ono što predvidimo u Budžetu ne potrošimo ni to. Ali neophodno je pronaći novi model poticaja nataliteta povećanjem iznosa za novorođeno dijete, prvo dijete, drugo dijete itd. itd. ako želimo da mladi ostaju ovdje i da proširuju svoje porodice. Znači, to je do nas. To možemo također dostaviti u prijedlozima koji budu do samog Prijedloga Budžeta. Finansiranje sport omladinski i invalidski sport je jedna od tačaka dnevnog reda. Danas je i informacija o stanju sporta i sportskih terena na području općine Maglaj za koje se vidi da je stanje loše i da treba povećati podršku iz Budžeta prema sportskim klubovima kako bi se riješio barem dio njihovih problema. Svaka zlatna, srebrna i bronzana medalja nama je izuzetno draga. Navijamo svim srcem da bi i mi imali nešto od toga, odnosno da bi neka zvijezda izrasla moramo zaista. Tereni su u lošem stanju na općini Maglaj. Ja znam koliko Općina Maglaj,odnosno Budžet koliko može podnijeti a ono koliko može da se ovim kategorijama pomogne. Kad su u pitanju sportski klubovi, imamo ja mislim četiri nogometna kluba, ima invalidski sport, košarke. Svi su oni otprilike uspješni i koliko se može rukomet itd.itd.

Predsjedavajuća Svjetlana Zamboni-Radovanović, vrijeme gospodine Jašiću.

Vijećnik Safet Jašić, evo još malo, sad ću.

Predsjedavajuća Svjetlana Zamboni-Radovanović, nemojte još malo, nego poštujujte Poslovnik. Hajte.

Vijećnik Safet Jašić, završit ću brzo.

Predsjedavajuća Svjetlana Zamboni-Radovanović, ne znam ja kad ćete vi. Ja vas upozoravam na vrijeme.

Vijećnik Safet Jašić, neću kršiti Poslovnik, evo nema veze ako je to to. Nije problem.

Predsjedavajuća Svjetlana Zamboni-Radovanović, već vam je vrijeme isteklo samo da znate.

Hvala lijepo. Aida izvolite dospredsjedavajuća, pa Abdurahmanović.

Vijećnica Aida Bašić, sve vas selamim i pozdravljam i želim dobrodošlicu toplu predsjedavajućoj, Načelniku, općinskoj administraciji, svim vijećnicima u Novi Šeher. Žao mi je što je danas malo nam hladno ali nadam se da ćemo se ugrijati. Na početku želim da se zahvalim Načelniku što je podržao inicijativu sa 8.redovne sjednice rekonstruisanje i popravka puta u Ulici Hasana Brkića u Novom Šeheru. Inicijativa je bila pokrenuta od mene i kolege iz SDA. Nadam se da će biti još takvih projekata.

Predsjedavajuća Svjetlana Zamboni-Radovanović, Adi, ne čuju šefovi gore.

Vijećnica Aida Bašić, nadam se da će biti još takvih projekata i inicijativa koje će se podržati neovisno iz koje političke opcije dolaze. Kada se govori o Nacrtu Budžeta tu će biti kratka iako su kolege vijećnici pričali na ovu temu. Ja sam pročitala Nacrt Budžeta i mislim da je Budžet urađen solidno, onako kako se moglo sa sredstvima koje naša Općina ima i s kojim raspolaže. Ne možemo reći niko da je dobio previše, niti dovoljno svima je sigurno malo. Ono što sam ja i na što ću kasnije podnijeti i svoju inicijativu a tiče se zimskog održavanja nekategorisanih puteva u MZ, na strani 12.analitički dio 614117 pod kategorija 2 gdje je planirano za 2022.godinu 2.000,00 KM. To je zaista, zaista malo i strana 10.analitički dio 613724 tekuće održavanje i rekonstrukcija lokalnih i nekategorisanih puteva. Planirano je znači, za 2022.godinu 425.000,00 KM. Ovo je od opšteg interesa, mislim da bi trebalo vratiti na onaj iznos iz 2020.godine kada je bilo 490.000,00 KM . Kakvo je pravilo trebamo se osvrnuti i reći sa čega bi mi to skinuli da bi povećali ove stavke, odnosno novac za ove stavke. Koliko god mi je žao i naravno da smatram da se u turizam treba ulagati, moramo biti objektivni i reći da ne možemo ni druge kategorije turizma razvijati ako nemamo dobre putne komunikacije. Pa s toga vidim da je na stranici 11.analitički dio 613991 izdaci za promociju turističkih proizvoda i usluga povećanje sa 5.000,00 u 2021. na 45.000,00 KM. Mislim da odavdje treba skinuti nekih 20.000,00 i prebaciti na ove kategorije koje sam pomenula.

Predsjedavajuća Svjetlana Zamboni-Radovanović, hvala lijepo. Gospodin Abdurahmanović.

Vijećnik Adis Abdurahmanović, evo ja ću vas sve poselamit i pozdraviti i zaželit nam efikasan rad na današnjoj sjednici. Neke stavke koje sam ja u Budžetu pripremio neke od kolega su se dotakli tako da ja neću, samo ću spomenuti neću bilo šta...evo kolegica Bašić kao i kolega Jašić su osvrnuli se stranica 12, analitički dio 614117 pod kategorija 1 i 2. Zaista mislim da kako je kazala i kolegica Bašić da 2.000.00 KM za zimsko održavanje nekategorisanih puteva u MZ-a je ne malo nego premalo. Pošto znamo da svake godine kad dođemo na temu zimsko održavanje imamo svi zahjeva za proširenje čišćenja i tako. Onda što je rekao kolega Jašić za tekući transferi MZ za redovan rad, vidimo da je 2020.godine nekih 73% ispoštovano. U 2021.godini za šest mjeseci je 0 KM da ne obrazlažemo znamo i zbog čega, tako da smatram da ovo 30.000,00 KM ako već mora ostati za 2022.godinu bar da se ispoštuje. Dalje, strana 15. Analitički dio 119 sufinanasiranje javne kuhinje. Vidimo usporedbu 2020.godine gdje je u planu bilo 40.000,00 a realizacija 25.000,00. 2021.godine to smo takoreći raspolovili na 20.000,00 i za prvi šest mjeseci realizacija je 3.000,00 nadam se da je za ovi drugi šest mjeseci enormna uplata, barem da se dođe do ovog što je planirano i za 2022.godinu ostaje 20.000,00 , smatram da bi ako nije u mogućnosti 40.000,00 kako je bilo 2020.godine da se bar nešto poveća koliko je dozvoljeno. Dalje, strana 17. Analitički dio 615118 rekonstrukcija i sanacija, održavanje i izgradnja infrastrukturnih objekata, sufinanasiranje projekata. Znači 2020.godina 537.000,00 plan i realizacija 417.000,00 77 %, 2021.godina plan 400.000,00, realizacija 0, opet napominjem za prvi šest mjeseci onako kako smo dobili u materijalu i onda 2022.godina enormno povećanje na 550.000,00 ja se nadam da će to biti

ispunjeno. Dalje, strana 30., analitički dio 821221 podkategorija 2. Izgradnja javne rasvjete vidimo također u uporedbi 2020.godina 74.000,00 planirano a realizacija 75.845,00 što je za svaku pohvalu, znači 20-ta. 2021.godina plan 60.000,00, realizacija za prvih šest mjeseci 0. 2022.godina plan 40.000,00 smatram da i ovu stavku treba povećati, jer nismo mi ni blizu završili sa uličnom rasvjetom u MZ, ima tu još mnogo posla. Osvrnuo bi se samo na to je bilo i moje pitanje šefici službe ali evo kolega Bradarić je postavio pitanje vidimo veliko povećanje na stavci tamo veliko ulaganje u Ulicu Srebreničkih žrtava čini mi se 220.000,00 pa možete samo da nam obrazložite ciljano šta se planira tu i jedna samo sugestija također službi znači, u obrazloženju u uvodnim napomenama znači, ja znam da se ove stvari naročito ovi uvodi rade copy –paste ali treba obratiti pažnju jer tamo u uvodnim napomenama stoji ovako :“kako ranijih godina tako i ove godine u izradi Nacrta Budžeta za 2018.godinu itd.itd..“ hvala.

Predsjedavajuća Svjetlana Zamboni-Radovanović, hvala lijepo. Gospodin Kusr.

Vijećnik Eldis Kusr, ja vas sve selamim i pozdravljam i da današnju sjednicu akobogda privedemo uspješno. Želim vam uspješan rad. Malo je već pohladno ali dobro je, izdržat će se. Ovako, Klub vijećnika je razmatrao Nacrt Budžeta za 2022.godinu, moje kolege su već iznijele dio stavova SDA po Nacrtu Budžeta za 2022.godinu pa ću ja nastaviti i reći ću da ćemo mi svakako u pismenoj formi dostaviti Općinskom vijeću svoje prijedloge. Kolega Abdurahmanović je već kazao da za javnu kuhinju, znači sufinansiranje javne kuhinje koja je pri Merhametu Maglaj je planirano 20.000,00 KM a do 30.06.2021.godine je isplaćeno 3.000,00 i nemamo pregled daljnjeg izvršenja Budžeta i smatramo da treba za ovu kategoriju ljudi stavku sa 20.000,00 povećati na 40.000,00 KM. Što se tiče analitičkog dijela 613991 odnosi se izdaci za promociju turističkih proizvoda i usluga, te uređenja turističkih destinacija vidimo da je za 2021.godinu bilo planirano 5.000,00 dok je u 2022.godini 45.000,00, volio bih da služba to jeste šefica službe malo detaljnije obrazloži ovo povećanje ove stavke, što je za primjer jer zaista mi trebamo na području općine Maglaj razvijati naše turističke destinacije i trebamo Maglaj približavati drugima jer ipak imamo tih turističkih destinacija koje su zanemarene i u koje treba da se ulože određena sredstva kako bi i mi bili prepoznatljivi po turizmu a imamo hvala Bogu za to kapacitete. Što se tiče analitičkog dijela 122 koji se odnosi na Izbornu komisiju znamo da 2021.godina nije izborna godina i planirano je 15.000,00 dok je za 2022.godinu koja je izborna godina to jeste godina izbora na nivou države i planirano za Izbornu komisiju 50.000,00 KM, pitam službu ima li informaciju mi smo upozoravali prilikom donošenja Budžeta za 2021.godinu da će Izborna komisija to jeste članovi Izborne komisije koji su nezadovoljni ovom odlukom podnijeti tužbu prema sudskim instancama. Da li je...imamo informaciju znači da je završen prvostepeni i drugostepeni postupak i da je doneseno da se isplati naknada razlike članovima Izborne komisije shodno zakonu. Ovo je samo informacija i pitam šeficu da li ima informaciju o tome, ako nema onda da nema...Što se tiče analitičkog dijela 614239 kolega Safet Jašić je spomenuo, to se odnosi na demografski razvoj to jeste povećanje nataliteta. Ovdje zaista je pohvalno što se porodicama koje dobiju dijete novorođenče to isplati iz Budžeta 100KM, međutim vidimo da se svake godine sve više i više, sve manje i manje zapravo rađa djece i natalitet je u opadanju dok je mortalitet u povećanju. Susjedne općine su razvile jedan model gdje podstiču dodatno demografski razvoj to jeste povećanje nataliteta gdje daju pomoć roditeljima koje imaju jedno/dvoje ili troje ili više djece na takav način što raspišu javni poziv pa me interesuje da li u okviru ovih sredstava se može takav jedan program razviti. Kada se odnosi stavka Nacrta Budžeta koja se odnosi na Centar za socijalni rad finansiranje je na istom nivou a vidjeli smo u informaciji koju danas imamo na Dnevnom redu da je potrebno da u toj Javnoj ustanovi i što je opravdano angažira, to jeste zaposli novi socijalni radnik i da se angažira psiholog što je zaista neophodno i ne znajući evo kao vijećnik nisam znao da Centar za socijalni rad nema u svom kolektivu psihologa što je zaista neophodno jer svi znamo koja kategorija ljudi dolazi u tu ustanovu. Smatram da se stavka za ove potrebe koja je predviđena za 2022.godinu treba povećati u iznosu planirati zapošljavanje ova dva dodatna radnika i mi ćemo isto to dostaviti u pismenoj formi. Vidjeli smo znači da je u Nacrtu Budžeta planirano i 26.000,00 KM za poslovnu zonu u Novom Šeheru, što je pohvalno i znamo da je kanton ZE-DO kanton opredjelio sredstva u visini od 20.000,00 za početak razvijanja poslovne zone u Novom Šeheru pa

nas zanima šta je predviđeno da se radi sa ovih 26.000,00 KM, znači šta će se finansirati od tih 26.000,00 KM ovdje na području Novog Šehera što je pohvalno zaista Novi Šeher je jedno veliko područje gdje živi veliki broj ljudi, evo danas smo ovdje zahvaljujući izgrađenoj infrastrukturi od strane ZE-DO kantona gdje možemo ugodno održavati ovakve sjednice s tim da u nekom toplijem ambijentu akobogda. Što se tiče dijela gdje se tiče pravobranilaštva, ovdje je došlo do povećanja u nekom manjem iznosu bruto plaće pa me zanima samo da li planira i povećanje plaća u općinskoj administraciji jer svi znamo da su trenutno i u trendu najnovija poskupljenja pa da vidimo da li se u tom dijelu išta razmišljalo i da li se išta planira povećanje plaća za korisnike, to jeste općinsku administraciju. Kolege su već rekle ali meni je ovako nešto interesantno Budžet za mlade gender vidimo Budžet za mlade ne koristi se gender, ne koristi se...interesuje me na koji način se isplaćuju sredstva sa ovih stavki jer vidimo do 30.06. nije iskorišteno ništa. Međutim i u predhodnom periodu 2020.godina isto nije ništa isplaćivano pa me zanima da li mi zaista na području općine Maglaj imamo mladih ljudi a imamo stvarno. Imamo informaciju o NVO, vidimo da su aktivni pa me zanima što ova stavka već evo dvije godine koja je minorna 500,00 KM stoji a nije iskorištena. Eto to je to.

Predsjedavajuća Svjetlana Zamboni-Radovanović, hvala lijepo. Nema više prijavljenih diskutanata, koliko vidim. Dženana ja bih Vas molila da se osvrnete na iznesene sugestije, pitanja.

Dženana Hadžiedhemović, evo ovako ja sam se potrudila da zapišem, možda sam nešto i preskočila pa bih molila da...

Predsjedavajuća Svjetlana Zamboni-Radovanović, ako bude neka vijećnici napomenu samo.

Dženana Hadžiedhemović, da me dopunite samo onaj... Evo ovako počeo ćemo sa kolegom Mirzom Bradarićem. Jeste kolega došlo je do povećanja na tamo na izdacima za volontere, obzirom da je velik broj ineterasanata da Načelnik općine daje mogućnost svim volonterima i vi ste sami u svom izlaganju obrazložili koliko je ustvari važno obaviti taj..stručno osposobljavanje pardon ne volonterski staž nego stručno osposobljavanje kako bi bili konkurentni na tržištu i pronašli zaposlenje. Potom, ja se izvinjavam ovako imali smo tamo na stavci tekuće održavanje lokalnih i nekategorisanih puteva čini mi se vijećnica Aida da je tražila da se to vrati na plan iz 2020.godine kao što vidite u samom Budžetu ovdje stoji da se tu radi o namjenskim i vlastitim sredstvima općine kojima se finansira održavanje puteva. Projekcija ove stavke u Budžetu rađena je po i mora se raditi po osnovu projekcije ostvarenja prihoda od indirektnih poreza po osnovu cesta, koje se odnose na putarine i ostalo koje dobija općina od strane Federalnog ministarstva finansija putem Kantonalnog ministarstva finansija uz vlastito sufinansiranje. Naravno Općina sa svojim ograničenim Budžetom i finansirajući sve ostale stavke koje se nalaze u samom Budžetu, ima određena svoja sredstva koje može izdvojiti na ovu stavku ali ključna stvar u ovom dijelu su ta namjenska sredstva, odnosno prihodi od putarina tako da je to razlog zašto je to a obzirom na Covid, da se smanjen protok vidite i po ostvarenju ali to će se najbolje vidjeti i na godišnjem izvještaju kada bude izvještaj o izvršenju Budžeta, kada budete mogli porediti sa 2020.-tom kad su određene zabrane, ograničena kretanja, rad od kuće i kod ljudi nije bilo toliko prometa na cestama, tako da su i prihodi od putarina na nivou države pali ali to ipak linearno znači i smanjenje na općinskom nivou. Više kolega se javilo, čini mi se i Abdurahmanović vezano za izdaci za promociju turističkih ovaj za povećanje čini mi se kolegica Aida da je to komentarisala pa ukoliko se pogleda prihodovni dio Budžeta vidite tamo da su odobrena određena namjenska sredstva kolege iz odjeljenja za razvoj su aplicirali projekte vezano za Bisticu i čini mi se izletišta Novi Šeher, tako da su ta sredstva naravno da bi se taj projekat realizovao potreba su i sredstva Općine Maglaj tako da kada se zbroje kad pogledate prihodovni dio koji se odnosi na namjenska sredstva razlika sredstava predstavlja sredstva Općine Maglaj kako bi se taj projekat realizovao. Ukoliko vijeće smatra da treba skinuti ovu poziciju to podrazumijeva automatizmom da se taj projekat neće realizovati, znači Općina će svoja sredstva ukoliko vijeće traži preusmjeriti na drugu poziciju ali taj projekat se neće realizovati ni na strani prihoda i Općina će vratiti ta sredstva odnosno odustati od projekta. Čini mi se kolega Firuz da je pitao vezano za nagrade učenicima. Što se tiče nagrada učenicima evo kolegica resorne službe je tu ali ove nagrade koje se ovdje odnose se na nagrade učenicima jel tako Eldina, koje se prebacuju školama odnosno na trezor u kantonu, pa kanton to

dalje raspoređuje školama odnosno učenicima u osnovnim i srednjim školama. Što se tiče stipendija, Općina Maglaj stipendira deficitarna zanimanja, posebno nadarene studente, redovne općinske stipendije tako da...ali svakako vi svoj prijedlog ukoliko smatrate podnesite u pisanoj formi. Idemo dalje. Ovako Općinska izborna komisija kolega Eldis je to pitao. Projekcija utroška Općinske izborne komisije za narednu izbornu godinu je rađena prema projekcijama CIK-a to je razlog zašto je taj iznos tu. Potom, sljedeće na poziciji kulture jeste kolega Mirza je već dao u svom pitanju je li i obrazloženje. Mi se nadamo da će se situacija sa korona virusom normalizovati u godini koja slijedi tako da je mogućnost održavanja Studentskog ljeta i svih drugih kulturnih manifestacija Općina planira u svom Budžetu. Ne znam jesam li samo, samo malo...evo ovako imali smo kapitalne transfere, kolega Adis je komentarisao rekonstrukciju, sanaciju 2020/2021/2022.godina, ovako što se tiče Općina planira sredstva na ovom.. vi znate da sve i jedan postupak se provodi kroz postupke javnih nabavki, naravno da Općina prati plan kapitalnih ulaganja koje vijeće usvaja, potom raspisuje javne nabavke. Da li će doći do žabi po određenom postupku, da li će se provesti u konačnici, odnosno da li će moći biti zaključeni i izvedeni radovi to više nije u moći Općine, ali Općina je ta koja na vrijeme planira sredstva ali realizacija naravno zavisi od nekih faktora koje nisu u našoj moći. Mi smo imali par također tendera koji stoje na Uredu, u žalbama gore po 2-3 mjeseca, gdje Ured kad riješi riješi, nekad se to može desiti da se to prenese iz jedne u drugu kalendarsku godinu ali to su stvari na koje mi ne možemo uticati. Povećanje također sad u 2022.godini jeste prema projektima koje Općina planira za narednu godinu, kako po MZ-a tako i na rekonstrukciji i održavanju. Kapitalni tranfesri pojedincima, poticaj zapošljavanju opće poznata je stvar da Načelnik općine svake godine čak povuče dodatna sredstva iz tekuće Budžetske rezerve iz želje kako bi sve kvalitetne ideje koje pristignu u Općinu Maglaj prema raspisanom Javnom pozivu za Starter, da priliku mladim ljudima da se okušaju na tržištu rada, da pokušaju da ponude nešto svoje, da prije svega zaposle sebe ali potom i da od grada naprave jeli nešto, da to bude nešto prepoznatljivo. Sad druga stvar je da li će se to uspjeti na tržištu, da li će taj neko opstati ali Načelnik je tu svakako da pomogne. U narednoj godini se planira povećanje na ovoj stavci od 30... od 5.000,00 KM pardon. Imali smo pitanje, što se tiče kapitalnih izdataka imali smo pitanje vezano za rasvjetu, za Ulicu Srebreničkih žrtava, poslovnu zonu Novi Šeher, to su sve projekti koje će vijeće usvajati kroz plan kapitalnih izdataka koji će se svakako predstaviti ovdje vijeću, o čemu će se vijeće izjašnjavati. Bilo je također pitanje vezano za ovo Novi Šeher, poslovna zona. Šta je konkretno, pa kao što je kolega Eldis rekao već dio sredstava je odobren od strane vlade ZE-DO kantona i projekat se odnosi koliko ja znam, a kolega Ferhat neka me ispravi ako griješim odnosi se na projektnu dokumentaciju, odnosno znači koja je prva stepenica jeli pri izgradnji poslovne zone. Kolega Mirza je doduše u svom izjašnjenju rekao koliko je to komplekan i složen proces tako da evo mi krećemo sa Šeherom, možda evo ova danas baš sjednica simbol je upravo da se uvodi u Šeher i poslovna zona. Ja ne znam, da li sam nešto preskočila ako jesam izvinjavam se. Eh sad jedino bih ja zamolila ako može vijećnik Safet Jašić da mi ponovi jer ja nisam stigla zapisati šta vam se ne slaže i u kom dijelu molim vas.

Predsjedavajuća Svjetlana Zamboni-Radovanović, i ako možete meni Dženana molim Vas odgovoriti na koju stavku da se usmjerim u svom prijedlogu na Nacrt Budžeta.

Dženana Hadžiedhemović, dobro, dobro. Kažite..greška nije nemoguća sad ne znam, to je sasvim...dobro....

Predsjedavajuća Svjetlana Zamboni-Radovanović, Dženana, hoćete da napravim pauzu od par minuta dok vi to...

Dženana Hadžiedhemović, može, može samo da vidim...

Predsjedavajuća Svjetlana Zamboni-Radovanović, pauza 5 minuta. Evo zamolila sam gospođu Hildu da ode do škole, da ih zamoli da nam naprave čaj, da se malo ugrijemo, a vas molim da budete konkretni u svojim izlaganjima. Da budemo racionalni s vremenom kako bi ova sjednica išla odgovarajućim ritmom i završila se blagovremeno. Dženana, možete li molim Vas samo osvrnuti se na ovo vezano za izlaganje vijećnika Jašića. Pozovite molim vas, nisu vam vijećnici u Sali. Pozovite svoje vijećnike da se vrate u salu. Jer zaključujem raspravu. Izvolite Dženana.

Dženana Hadžiedhemović, hoćemo li sačekati ili...

Predsjedavajuća Svjetlana Zamboni-Radovanović, ne samo Vi izvolite.

Dženana Hadžiedhemović, evo ovako, jeste kolega Jašić nije tu. Tehnička greška se desila u obrazloženju Nacrta, moja je lična greška. Znači ,indirektni porezi samo u preračunu obzirom da je rađeno u wordu nema greške u Nacrtu Budžeta. U excelovim tabelama nema greške, greška se desila u samom obrazloženju, znači direktni porezi su 1.404.000,00 a ne 1.104.000,00 KM , samo je ta razlika. Tako da je to ali prihvatam kritiku. Također kolega Adis je sugerisao da jeste ostalo je 2018.godina samo što Vijeće treba također da zna da osim obavljanja posla rukovodioca da sam ja ujedno bila i jedini obrađivač i kontrolor ovog akta obzirom da je služba u deficitu i radi sa smanjenim kapacitetom, tako da sam bila prinuđena sama, nisam stigla. Nikakav nije problem ja to prihvatam i eto molim da se samo konstatuje zapisnički kako bi mi mogli ispraviti prije samo objave.

Predsjedavajuća Svjetlana Zamboni-Radovanović, naravno, naravno.

Dženana Hadžiedhemović, to su te dvije greške. Desila se na obrazloženju čini mi se drugi, treći pasus, to 2018.godina i ovamo na strani broj 3.

Predsjedavajuća Svjetlana Zamboni-Radovanović, i meni.

Dženana Hadžiedhemović, i vama sugestija što se tiče parka. Vi svoju inicijativu kada budete predlagali predložite, ja sada ne znam iskreno kad me pitate ni kolika je vrijednost tog parka. Sve ono inače što je kapitalno, što je velike vrijednosti ide na uknjižavanje shodno preporukama revizije, odnosno knjiži se na 8. Ukoliko se sad radi o nekoj većoj investiciji ja sad ne znam ni da li vi u ovom momentu raspolazete sa tim informacijama. A svaka druga manja investicija naravno koja bi bila još dodatno ukoliko bi se mogla potraživati određena sredstva od viših nivoa vlasti, pretpostavljam kroz određena ministarstva i na 615117 ili 118. Konkretno 118 obzirom ukoliko bi se osigurala sredstva sufinansiranja jer pozicija se tako i zove sufinansiranje projekata

Predsjedavajuća Svjetlana Zamboni-Radovanović, hvala lijepo.

Dženana Hadžiedhemović, kapitalnih naravno. Ja se izvinjavam da li sam nekom možda propustila nešto da ne bi bilo da nisam odgovorila. Ja što sam zapisala, odgovorila sam ako sam nešto ispustila da me podsjetite.

Predsjedavajuća Svjetlana Zamboni-Radovanović; koliko sam ja zapisala, svi su odgovori obezbijedeni po pitanjima vijećnika, sve je bilo.

Dženana Hadžiedhemović, samo eto ako je nešto ostalo slučajno. Jedino kolega Eldis je..eh to sam bila zaboravila. Kolega Eldis je pitao zašto je došlo do povećanja kod Općinskog pravobranioca shodno preporukama revizije, Općina je izvršila samo kako da kažem drugi preraspodjel unutar. Vi vidite da je ukupna masa sredstava novčanih koja je planirana za isplatu bruto plaća i naknada općinske administracije ostala ista, samo je ispoštovana preporuka revizije shodno, znači unutar te pozicije napravljene su određene preraspodjele shodno preporukama revizije.

Predsjedavajuća Svjetlana Zamboni-Radovanović, hvala lijepo. Evo ja se nadam da ste zadovoljni odgovorima koje nam je šefica službe osigurala, naravno napominjem još jednom da sve naše sugestije, prijedlozi vezani za Nacrt Budžeta treba da budu dostavljeni službi, nadležnoj službi u pisanoj formi sa konkretnim prijedlozima dakle šta se povećava, smanjuje uz odgovarajuća obrazloženja. Ja zaključujem raspravu po pitanju Nacrta Budžeta/Proračuna Općine Maglaj za fiskalnu 2022.godinu te Nacrta Odluke o izvršavanju Budžeta/Proračuna Općine Maglaj za fiskalnu 2022.godinu i ove informacije dakle o Dokumentu okvirnog Budžeta/Proračuna Općine Maglaj za period 2022.-2024.godina. izjašnjavat ćemo se pojedinačno pod a, b i c da ne čitam sve ponovo te na glasanje stavljam. Naravno molim službu da za javnu raspravu. Informacija, ja sam rekla da je informacija i primit ćemo je k znanju. Naravno u okviru svog izlaganja šefica je predložila okvirni period provođenja javne rasprave i održavanja centralne javne rasprave, dakle sve to i uzimajući sugestije i ove ispravke na samom dokumentu koje treba učiniti dakle uzimajući sve u obzir stavljam Nacrt Budžeta/Proračuna Općine Maglaj za fiskalnu 2022.godinu na glasanje. Ko je za?

Glasalo za: Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz

Galijašević, Senad Šehić (SDP), Aida Bašić (A-SDA), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Hajrudin Ferić (DF).

Glasalo protiv; Adis Abdurahmanović, Jasmin Begić, Mirsad Bežić, Safet Jašić, Eldis Kusur, Edin Osmić, Maid Suljaković, Eldin Pehrat, Edin Salatović (SDA),

Konstatujem da smo sa 16 glasova za i 9 glasova protiv usvojili Nacrt Budžeta.

Po b) Nacrt Odluke o izvršavanju Budžeta/Proračuna Općine Maglaj za fiskalnu 2022. godinu. ko je za ?

Glasalo za: Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Aida Bašić (A-SDA), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Hajrudin Ferić (DF).

Glasalo protiv; Adis Abdurahmanović, Jasmin Begić, Mirsad Bežić, Safet Jašić, Eldis Kusur, Edin Osmić, Maid Suljaković, Eldin Pehrat, Edin Salatović (SDA),

Konstatujem da smo sa 16 glasova usvojili i Nacrt Odluke o izvršavanju Budžeta . a c) Dokument okvirnog Budžeta proračuna Općine Maglaj za period 2022.-2024. godina konstatujem da informaciju primamo k znanju.

ZAKLJUČAK

- 1.1. Usvaja se Nacrt Budžeta/Proračuna Općine Maglaj za fiskalnu 2022. godinu;
- 1.2. Otvara se javna rasprava u trajanju od 10 dana, počev od 30.11.2021. godine;
- 1.3. Da se održi centralna javna rasprava dana 10.12.2021. godine u 12,00 sati u Sali Općinskog vijeća ili kino Sali Doma kulture „Edhem Mulabdić“ Maglaj, ovisno od interesanata;
- 1.4. Ukoliko dođe do pogoršanja epidemiološke situacije, odnosno do zabrane okupljanja od strane Federalnog kriznog štaba, da Općinsko vijeće da ovlaštenje Načelniku općine i Službi za privredu, finansije i razvoj poduzetništva da javna rasprava ostane u pisanoj formi;
- 1.5. Zadužuje se Služba za privredu, finansije i razvoj poduzetništva da provede javnu raspravu;
- 1.6. Usvaja se Nacrt Odluke o izvršavanju Budžeta/Proračuna Općine Maglaj za fiskalnu 2022. godine;
- 1.7. Dokument okvirnog Budžeta/Proračuna Općine Maglaj za period 2022 – 2024. godine se prima k znanju.

AD – 2 Izvještaj o izvršenju Budžeta/Proračuna Općine Maglaj za period 01.01.-30.06.2021. godine;

Predsjedavajuća Svjetlana Zamboni-Radovanović, prelazimo na drugu tačku Dnevnog reda a to je Izvještaj o izvršenju Budžeta/Proračuna Općine Maglaj za period 01.01.-30.06.2021. godine. Dženana je tu. Pa ne znam da li evo treba uvodno izlaganje po pitanju izvršavanja Budžeta? Mislim da ne, sasvim je jasno. Otvaram raspravu. Ako bude pitanja samo.... Izvolite Salatović. Vijećnik Salatović.

Vijećnik Edin Salatović, ja vas sve selamim i pozdravljam. Morat ću malo jače govoriti da i ove kolege pozadi čuju. Jasno je da je i punjenje bilo 33, 23% Budžeta i u nižoj mjeri od planiranih sredstava u Budžetu. Smatramo kao Klub vijećnika da se na ovim stvarima nije trebalo štediti i da je trebalo ispoštovati bar onako kako je bilo u okviru planiranog Budžeta. Po meni jedna od jako bitnih stavki koja se eto baš konkretno dotiče i udaljenijih MZ-a, kao što je i moja na kraju krajeva Bradići, Kopice, Čobe ne znam Ravna, Kosova vezana je za finansiranje karti učenika srednjih škola. Ovdje nije isplaćeno po ovom izvještaju, nije isplaćeno ništa u predhodnom periodu a trebalo je otprilike oko tri hiljade KM. Mislim da je to obzirom da su mnoge porodice, da je to više kao jedna socijalna kategorija i mislim da je trebalo da se taj dio bar taj planirani dio manje-više to

je simbolično ali eto da se i taj dio da bi se se ispoštovao. Drugo konto 613952 usluga izrade projektne dokumentacije planirano je 64.000,00 a utrošeno je 2.161,00 KM što je jako nisko, je 3,38% Budžeta. To su projekti znači koji bi otprilike osiguravali neke buduće stvari za dobrobit kompletne Općine Maglaj. Što se tiče stavke na konto 0841 vjerske zajednice nije isplaćeno ništa od planiranih 15.000,00 za prvih šest mjeseci. Smatram da je i tu trebalo sve vjerske zajednice na području općine Maglaj da se bar opet kažem nisu to veliki iznosi ali eto simbolično je trebalo dati i njima. Podrška subjektima pogođenim epidemijom Covida, planirano je za prvih šest mjeseci 50.000,00 KM a nije isplaćeno ništa. Smatramo da privredni subjekti još uvijek snažno osjećaju posljedice epidemije korona virusa i potrebna im je pomoć kako bi lakše prebolili, lakše premostili ovu situaciju u ovom trenutku. Vidimo da su i cijene rada, roba i usluga svega znatno povećane i smatramo da bi tim u takvim novonastalim okolnostima trebalo pomoći tim našim preduzećima. Toliko hvala.

Predsjedavajuća Svjetlana Zamboni-Radovanović, hvala lijepo. Da li ima još diskutanata? Ima evo Abdurahmanović.

Vijećnik Adis Abdurahmanović, ja ću samo, nemojte mi shvatiti za zlo ista stvar. Znači, strana 20. 12.izvinite kompletna stranica gore odnosi se na 2019.čitavu godinu i 2020.plan izvršenje. Mislim za cijelu 2019.god i plan izvršenja 2020.godinu dok su sve ostale 2020/2021.

Predsjedavajuća Svjetlana Zamboni-Radovanović, dobro samo Vas molim da sve ove sugestije uvažite u Službi. Izvolite gospodine Kususur.

Vijećnik Eldis Kususur, ja vas sve selamim. Ja ću se samo nadovezati na predhodno, zaista evo kolega Salatović je kazao da izvršenje Budžeta 33 koma nešto posto, znamo da je korona i tako da je epidemija trenutno ali me interesuje baš sam to postavio pitanje ali nisam htio šefici da sugerišem rekoh odgovorit ćete mi. Zaista ovi zadnji ne čuju ništa. Što se tiče Budžeta, konkretno Memorijalni centar Potočari do 30.06.2021.godine planirano je u 2021.godini 2.500,00 KM, po tom pitanju nije ništa isplaćeno. Znači, zanima me da li je u ovom kvartalu poslije nešto isplaćeno. Budžet za mlade, govorio sam maloprije Gender, zaista da li se nešto isplaćuje ili su mladi nezainteresovani, žene ili ne znam zaista, uopšte se ništa ne isplaćuje i po tim stavkama. Evo protekla godina, ova godina do 30.06.2021.godine nema ništa. Što se tiče analitičkog dijela 614 odnosi se na plaćanje specijalističkih pregleda civilnim žrtvama rata itd.itd.planirano je 15.000,00 KM da se isplati međutim neto nekih 2 i nešto hiljade je isplaćeno do 30.06.2021.godine, kada znamo da je sve više našeg stanovništva bolesno pored korone evo imamo i informaciju o Javnoj ustanovi Dom zdravlja Maglaj, vidimo koliko je stanovništvo na ovom našem području oboljelo od hroničnih i nekih drugih bolesti i smatram da bez obzira što je 15.000,00 da se nađe način kako stanovništvo može da aplicira. To nije resor vaše službe to je resor neke druge službe ali da se nađe mehanizam i način da stanovništvo aplicira za pomoć i da se crpe sredstva iz ovih stavki već kad je predviđeno 15.000,00 a do 30.06. je isplaćeno nešto minorno. Vidjeli ste javna kuhinja, to jeste što je boljka konkretno. Vi znate šta znači javna kuhinja. Javna kuhinja u Maglaju je dobila 3.000,00 maraka sa 30.06.2021.godine a imamo informaciju da je dobila sa viših nivoa veća sredstva, zašto onda mi tako to čutke. Jednostavno nećemo da realizujemo neke te projekte a znamo da javna kuhinja pored Općine Maglaj i drugih institucija je ta institucija koja gasi socijalni nemir jer znamo svaki dan koliko oni obroka naprave tamo i podijele našem stanovništvu bez obzira na nacionalnost. Sve u svemu izvršenje Budžeta je slabo, suficit je nekih 260.000,00 KM, znači zaista neke stavke koje su prioritene nisu obrađivane. Nije ništa isplaćivano. Konkretno održavanje lokalnih puteva 100 i nešto hiljada a evo poslije sjednice vijeće, pozivam sve vijećnike da se svi zajedno po Novo Šeherskom kraju provozamo autima pa da vidite u kakvom su stanju putevi i putna infrastruktura a da ne govorim u kakvom je stanju putna infrastruktura u drugim MZ-a krenuvši od istoka od Jablanice, do zapada tamo do Oruča, ovamo Krušik, Bradići znači katastrofa.

Predsjedavajuća Svjetlana Zamboni-Radovanović, hvala lijepo, javljam se za riječ, ispravka krivog navoda.

Vijećnica Svjetlana Zamboni-Radovanović(ispravka krivog navoda), koliko god će to zvučati sad možda malo i feministički. Gender projekti nisu projekti za žene. Gender projekti su projekti vezani za određeni spol. Tako da mogu biti vezani i za muškarce. Pa evo samo da ravnopravnost

spolova, da poštujemo i sa ove govornice. Dakle to su projekti vezani za određeni spol, ne mora biti ženski. Naravno.

Vijećnik Eldis Kusur, naravno slažem se, igra riječi. Ravnopravnost spolova znam da je to, ali tako da je uredu, ali treba to što više podržavati. Jer 500, 00 maraka je malo.

Predsjedavajuća Svjetlana Zamboni-Radovanović, slažem se. Zato kažem i muškarcima i ženama ali nije samo za žene vezano. Hajmo, hajmo. Idemo dalje. Ima li neko da se javlja za riječ. Nema nikog. Dženana izvolite, ako je bilo konkretnih pitanja na koje nam možete ponuditi odgovore.

Dženana Hadžiedhemović, evo ovako ja sam ponovo pokušala zapisati, nadam se da jesam sve . lijepo govorimo sa ovog mjesta, šta Općina treba sve finansirati i svi mi to podržavamo i ja i Načelnik općine prije svega i svi. Ali jednu drugu stvar koju vijeće treba da zna, situacija sa korona virusom je toliko više otrala uši da zaista nema. Smatram da nema ni potrebe više da to govorimo. Svi vidimo svjesni smo na kraju krajeva, počevši od svoje kuće, od svog kućnog budžeta pa na dalje, kakva je situacija. Ono što vijeće treba da zna da recimo prihodi od PDV-a Općine koji su nekada iznosili i 20.000,00 na dnevnoj bazi recimo evo ja ću vam uzeti bezveze jedan primjer, recimo 07 januara iznosili 451,00 KM ili recimo 15.januara 144,00 KM tako da to dovoljno govori o tome koliko su smanjeni prihodi po ovom osnovu a prihod od PDV-a je ključni prihod kako za Općinu Maglaj, tako za sve nivoe vlasti. Prihod od PDV-a, odnosno ukupni prihodi od indirektnih poreza su ključni prihodi počevši od države same federacije i vi znate da sama država i federacija zaduživanjem od ukupno ubranih prihoda po osnovu PDV-a prije svega finansira se državni dug, potom ide raspored na Federaciju, Brčko Distrikt i RS, odakle se dalje finansiraju i institucije, dugovi pa tek onda se raspoređuje jedan dio Općinama kao najnižim jedinicama lokalne samouprave koje dobijaju ujedno i namjanje. Također u obrazloženju Izvještaja o izvršenju Budžeta ja sam to čini mi se dva puta do sada branila izvještaj i svaki puta sam skrenula pažnju da vijeće treba da pogleda obrazac koji se prilaže on se nalazi na strani 12.obrazloženja koji će vam sam po sebi dovoljno reći šta to Općina prikupi od strane prihoda a recimo pogledajte koliko kanton, pogledajte porez na dobit ostvaren. Znači, govorimo o prihodima koji su ostvareni na području općine Maglaj. Porez na dobit na području općine Maglaj, znači sva pravna lica koja posluju na području općine Maglaj za predhodnu 2020-godinu pa obaveza im je bila uplata u 2021.godini 487.184,00 KM općina od tog poreza nema niti jednu jedinu KM. Taj prihod iako je ostvaren na području općine je 100% prihod kantonalnog budžeta. Ovo je samo presjek sa 30.06. vidjet ćemo šta će nas dočekati sa 31.12.ali vam pokušavam reći koliko su to nameti ustvari koje viši nivoi vlasti ostvaruju a ustvari ti prihodi su ostvareni na teritorij naše općine i svu putnu infrastrukturu koju koriste ta pravna lica finansira Općina a evo vidimo gdje idu sredstva od recimo poreza na dobit. Ništa bolja situacija nije ni sa porezom na dohodak, gdje mi.. mislim nije fer niti korektno ne samo prema Općini Maglaj nego prema sve i jednoj općini da općinama se vraća svega 34 % ostvarenog poreza na dohodak na području te općine a da kanton zadržava 66 % . nije realno ali nažalost takva je zakonska regulativa, tako vrijedi. Također vidite da nema da zakon nije propisao i da nama nije dostavljeno ukupno ostvareni prihod po osnovu PDV-a. Općina Maglaj dobije samo informaciju koliko je putem jedinstvenog računa trezora, koliko se rasporedi ali me nemamo uopće podatak koliko je to ostvareno da bi mogli onda ući u neke kontrole da li je to zaista da nije slučajno neka računaska greška, što nije nemoguće da se desi ali i općenito Općina nema podatak koliko je ukupno ubrala prihoda po osnovu PDV-a na svojoj teritoriji ali evo i dalje po svim ostalim prihodima koji se prazne putem kantonalnog budžeta na stranici 12.imate detaljan prikaz. Eh sad ćemo krenuti sa pozicijama. Ovako, je li kolega Eldis rekao za Memorijalni centar nisam stigla pisati imena. Ovako, Memorijalni centar obzirom da pregled koji gledate je sa 30.06. godišnjica obilježavanja je... Memorijalni centar da zbog pandemije pardon nije bio ove godine, tako da prevoz po tom osnovu nije plaćen ali je Načelnik općine u posjeti, mi imamo tamo na poziciji finansiranje rada Memorijalnog centra, tako je Načelnik....molim..pardon, onda sam ja zaokružila pogrešnu. Načelnik općine je išao je u službeni posjetu Memorijalnom centru u julu mjesecu i zajedno tada je uplaćena su sredstva i Načelnik je ponio Odluku o dodjeli finansijskih sredstava ali obzirom da se to tiče mjeseca jula tako da to ne

možete ni imati u pregledu sa 30.06. sad ćemo vidjeti šta sam ja dalje zaokružila. Čini mi se da je bilo pitanje MZ-a, zašto nije isplaćeno. Na poziciji 613991 ostale ne spomenute usluge troškove obračuna i troškove predaje izvještaja za FIU na godišnjem nivou plaća Općina u ime MZ-a. Tako da je po tom osnovu su plaćeni sva predaja nego nije se uzimalo od direktnog rada MZ-a a vi vrlo dobro znate svi problem koje su imale MZ-e, kolegica Eldina je evo tu pa može detaljnije pojasniti. Obzirom da su MZ-e imale problem sa usklađivanjem klasifikacije djelatnosti koju nikada nisu izvršile iako je klasifikacija djelatnosti objavljena 2010.godine i to je trebalo davno da se završi, međutim nikada to nije završeno sve do momenta dok porezna uprava nije zaprijetila doslovno da će blokirati sve račune, svim MZ-a dok se ne izvrši usklađivanje sa klasifikacijom djelatnosti. To je bio proces koji je služba, nadležna Služba je li gdje je pomagala. To je bio dugotrajan proces jer trebalo je svu dokumentaciju, ne znam o osnivanju, o povjerenicima, o... Eldina to bolje zna i tako da je to trajalo određeno vrijeme što je odužilo tako da transfer sa 30.06.nisu sredstva doznačivana MZ-a.

Predsjedavajuća Svjetlana Zamboni-Radovanović, bilo je izvršenje vezano za prevoz učenika što je pretpostavljam vezan za online nastavu.

Dženana Hadžiedhemović, da prijevoz učenika je također vezan za online nastavu. Prijevoz učenika ono što je dođe u Službu za finansije shodno odlukama, planu Budžeta naravno isplaćuje se a nadležna služba prati naravno kako zahtjeve tako i da je li škola radi ili je online nastava ili je...ukoliko Eldina ima nešto da dopuni ja...po tom osnovu. Ja ne bih...ja mislim da sam odgovorila na sva pitanja. Jedino je kolega Adis Aburahmanović, prihvatam kritiku za ovu pogrešku. Samo vezano za tamo knjiženja što je 0 izvršenje, jeste to rekli sada? Ili je to bilo na onom kad ste rekli. Je li? Ne ne ne nema grešaka Eldise, nego jeste li vi rekli da nema izvršenja na pojedinim pozicijama sa 30.06. na projektima jel tako? Ko je govorio, nešto o projektima? To ok, to je tehnička greška. Nema greške što se tiče izvršenja konkretnih.ja govorim o konkretnim iznosima.

Predsjedavajuća Svjetlana Zamboni-Radovanović, to je bilo u okviru Nacrta Budžeta Dženana vezano....

Dženana Hadžiedhemović, ali neko je govorio sada o projektnoj dokumentaciji. Uglavnom nije ni bitno. Bitno je samo da, ne može se gledati šturo samo sa 30.06.postoje računi koji nisu došli u obračunski period. Postoje računi koji su došli ne znam 02.07.naravno da se ne nalaze u ovom izvještaju ali svakako da se projekti realizuju i na kraju krajeva vijeće i samo i svi mi vidimo šta se to realizuje.

Predsjedavajuća Svjetlana Zamboni-Radovanović, vidjet ćemo presjek sa 31.12. Evo vezano za ovu tačku Dnevnog reda zaključujem raspravu. Naravno zamolila bih službu da ovo što je ukazano kao tehnička greška da se ispravi u dokumentu, a Izvještaj o izvršenju Budžeta/Proračuna Općine Maglaj za period 01.01-30.06.2020.godine stavljam na glasanje. Ko je za? Protiv? Uzdržan?

Glasalo za: Svjetlana Zamboni -Radovanović,Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević,Senad Šehić(SDP), Aida Bašić(A-SDA)Mustafa Bešić (samostalni vijećnik), Elvir Vehabović (samostalni vijećnik),Pero Mamić(HDZ BiH), Hajrudin Ferić(DF).

Glasalo protiv; Adis Abdurahmanović, Jasmin Begić, Mirsad Bejić, Safet Jašić, Eldis Kusur, Edin Osmić, Maid Suljaković, Eldin Pehrat, Edin Salatović (SDA),
Konstatujem da je Izvršenje usvojeno sa 16 glasova za i 9 protiv.

ZAKLJUČAK

2.1. Usvaja se Izvještaj o izvršenju Budžeta/Proračuna Općine Maglaj za period 01.01.-30.06.2021. godine;

AD – 3 Informacija

a)Periodični finansijski izvještaj Budžeta/Proračuna Općine Maglaj za period 01.01. – 30.06.2021.godine;

b)Periodični finansijski izvještaj Budžeta/Proračuna Općine Maglaj za period 01.01. – 30.09.2021.godine;

Predsjedavajuća Svjetlana Zamboni-Radovanović, prelazimo na treću tačku Dnevnog reda a to je Informacija. Dakle periodični finansijski izvještaj Budžeta/Proračuna Općine Maglaj za period 01.01.-30.06.2021.godine i pod b)Periodični finansijski izvještaj Budžeta/Proračuna Općine Maglaj za period 01.01.-30.09.2021.godine uz napomenu da ovo usvajamo kao informaciju. Otvaram raspravu. Mnogo toga je već rečeno i u dosadašnjoj raspravi. Zatvaram raspravu. Te konstatujem da ovu Informaciju a) i b) primamo k znanju.

Z A K L J U Č A K

- 3.1. Periodični finansijski izvještaj Budžeta/Proračuna Općine Maglaj za period 01.01. – 30.06.2021.godine se prima k znanju;
- 3.2. Periodični finansijski izvještaj Budžeta/Proračuna Općine Maglaj za period 01.01. – 30.09.2021.godine se prima k znanju

. AD – 4 Prijedlog Odluke o pristupanju djelimičnoj izmjeni Regulacionog plana „Centar Maglaj – sjeverni dio“ po zahtjevu MEGA TAS doo Maglaj;

Predsjedavajuća Svjetlana Zamboni-Radovanović, tačka 4. Evo sad Nedžad nastupa. Prijedlog Odluke o pristupanju djelimičnoj izmjeni Regulacionog plana „Centar Maglaj-sjeverni dio po zahtjevu MEGA TAS doo Maglaj. Ja bih...ima li potrebe da Nedžad da uvodno izlaganje. Jasno je ovdje u samom dokumentu o čemu se radi. Predsjednici Klubova treba li uvodničar nešto reći o izmjeni Regulacionog plana. Ne treba. Otvaram raspravu. Izvolite.

Vijećnik Mirsad Bežić, selamim i pozdravljam sve prisutne. Mi u Klubu vijećnika SDA razmatrali smo i podržat ćemo ponuđeni Prijedlog Odluke o pristupanju i djelimičnoj izmjeni Regulacionog plana“Centar Maglaj-sjeverni dio“ po zahtjevu MEGA TAS doo Maglaj i predlažemo da se u ovom slučaju vodi redovan postupak kako bi i građani mogli dati svoje mišljenje kroz javnu raspravu tim prije što se planiranom izmjenom predviđa i korekcija saobraćajnog rješenja u ovom dijelu grada.

Predsjedavajuća Svjetlana Zamboni-Radovanović, hvala lijepo gospodine Bežiću, još neko da li se javlja za riječ. Nedžade treba li redovni postupak? Je li to u skladu i sa vašim mišljenjem službe. Ne čuje se. Predlaže gospodin Bežić redovan postupak za provođenje procedure. Hvala. Na glasanje stavljam Prijedlog Odluke o pristupanju djelimičnoj izmjeni Regulacionog plana „Centar maglaj-sjeverni dio“ po zahtjevu MEGA TAS doo Maglaj i na prijedlog vijećnika Bežića da to ide u redovnu proceduru. Ko je za ? On je predložio usmeno, prvi je izlagao. Ja sam zato pitala službu, kakvo je mišljenje službe. Protiv ? Uzdržan? Jednoglasno.

Z A K L J U Č A K

- 4.1.Donosi se Odluka o pristupanju djelimičnoj izmjeni Regulacionog plana „Centar Maglaj – sjeverni dio“ po zahtjevu MEGA TAS doo Maglaj;

AD – 5 Prijedlog Odluke o usvajanju djelimične izmjene Regulacionog plana „Centar Maglaj – sjeverni dio“ po zahtjevu Hrnjić Minadira i Mulaomerović Melise;

Predsjedavajuća Svjetlana Zamboni-Radovanović, prelazimo na narednu tačku Dnevnog reda a to je Prijedlog Odluke o usvajanju djelimične izmjene Regulacionog plana „Centar Maglaj-

sjevni dio“ po zahtjevu Hrnjić Minadira i Mulaomerović Melise. Ima li potrebe za uvodnu riječ? Nema. Otvaram raspravu. Zatvaram raspravu. Te Prijedlog Odluke stavljam na glasanje. Ko je za?

Glasalo za: Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Aida Bašić (A-SDA) Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Hajrudin Ferić (DF).

Glasalo protiv; Adis Abdurahmanović, Jasmin Begić, Mirsad Bežić, Eldis Kusur, Edin Osmić, Eldin Pehrat, Edin Salatović (SDA),

Vijećnik Safet Jašić i Maid Suljaković (SDA) nisu prisutni u Sali u trenutku glasanja.

Uzdržanih: nema niko.

ZAKLJUČAK

5.1. Donosi se Odluka o usvajanju djelimične izmjene Regulacionog plana „Centar Maglaj – sjeverni dio“ po zahtjevu Hrnjić Minadira i Mulaomerović Melise;

AD – 6 Prijedlog Odluke o usvajanju djelimične izmjene Regulacionog plana „Novi Šeher“ po zahtjevu Čajić Maria;

Predsjedavajuća Svjetlana Zamboni-Radovanović, prelazimo na narednu tačku Dnevnog reda a to je Prijedlog Odluke o usvajanju djelimične izmjene Regulacionog plana „Novi Šeher po zahtjevu Čajić Maria. Otvaram raspravu po ovom pitanju. Gospodin Bežić.

Vijećnik Mirsad Bežić, Klub vijećnika SDA će podržati Prijedlog Odluke o usvajanju djelimične izmjene Regulacionog plana „Novi Šeher“ po zahtjevu Čajić Maria obzirom da je javna rasprava pokazala da nema ništa sporno i da vlasnik koji želi izvršiti parcelaciju svoga zemljišta radi izgradnje stambenih i poslovnih objekata uz obezbjeđenje pristupa na regionalni put Perkovići-Novu Šeher- Tešanj.

Predsjedavajuća Svjetlana Zamboni-Radovanović, hvala lijepo. Nema prijavljenih diskutanata te Prijedlog Odluke o usvajanju djelimične izmjene Regulacionog plana „Novi Šeher“ po zahtjevu Čajić Maria stavljam na glasanje. Ko je za? Protiv? Uzdržan? Konstatujem da smo jednoglasno usvojili i ovaj prijedlog. Dakle u Sali nije prisutan Maid Suljaković. 24 glasa za.

ZAKLJUČAK

6.1. Donosi se Odluka o usvajanju djelimične izmjene Regulacionog plana „Novi Šeher“ po zahtjevu Čajić Maria;

AD – 7 ; a) Prijedlog Odluke o gubitku statusa javnog dobra u općoj upotrebi, k.č.br. 652/2 k.o. Novi Šeher (Bašić Suvad);

b) Prijedlog Odluke o gubitku statusa javnog dobra u općoj upotrebi, k.č.br. 1581/13 k.o. Liješnica (Salkanović Semir);

c) Prijedlog Odluke o gubitku statusa javnog dobra u općoj upotrebi, k.č. br. 1581/14 k.o. Liješnica (Salkić Salim);

Predsjedavajuća Svjetlana Zamboni-Radovanović, 7.tačka a) Prijedlog Odluke o gubitku statusa javnog dobra u općoj upotrebi, k.č.br.652/2 k.o. Novi Šeher (Bašić Suvad) i pod b) Prijedlog Odluke o gubitku statusa javnog dobra u općoj upotrebi, k.č.br.1581/13 k.o. Liješnica (Salkanović Semir), c) Prijedlog Odluke o gubitku statusa javnog dobra u općoj upotrebi, k.č. br. 1581/14 k.o. Liješnica (Salkić Salim). Otvaram raspravu. Bežić.

Vijećnik Mirsad Bežić, ovdje ću iznijeti jedinstven stav po pitanju sva tri predmeta. Klub Vijećnika SDA će podržati Prijedlog Odluke o gubitku statusa javnog dobra u općoj upotrebi u sva

tri slučaja i pod a), b) i c) uvažavajući želju zainteresovanih lica da legalizuju gradnju i otkupe uzurpiranu zemljište, tim prije što su stručna lica za urbanizam, stručno lice za geodetske poslove i općinsko pravobranilaštvo u svojim izjašnjenjima dali mišljenje da se ne može istima udovoljiti.

Predsjedavajuća Svjetlana Zamboni-Radovanović, hvala lijepo. Nema dalje diskusije. Zaključujem raspravu. Jel se slažete da sve zajedno izglasamo. Ako nema suprotnih stavova. Dakle izjašnjavamo se i pod a) i pod b) i pod c). Ko je za? Protiv? Uzdržan? Konstatujem da smo s jednim glasom uzdržanim gospodin Fermić i 24 za usvojili sve navedene prijedloge.

ZAKLJUČAK

7.1. Donosi se Odluka o gubitku statusa javnog dobra u općoj upotrebi, k.č.br. 652/2 k.o. Novi Šeher (Bašić Suvad);

7.2. Donosi se Odluka o gubitku statusa javnog dobra u općoj upotrebi, k.č.br. 1581/13 k.o. Liješnica (Salkanović Semir);

7.3. Donosi se Odluka o gubitku statusa javnog dobra u općoj upotrebi, k.č. br. 1581/14 k.o. Liješnica (Salkić Salim).

AD – 8 Nacrt Odluke o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj svojini;

Predsjedavajuća Svjetlana Zamboni-Radovanović, tačka 8. Nacrt Odluke o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj svojini. Otvaram raspravu po ovoj tački Dnevnog reda. Bejzić.

Vijećnik Mirsad Bejzić, Klub vijećnika SDA smatra da ponuđeni Nacrt Odluke o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj svojini može poslužiti kao dobra podloga za provođenje javne rasprave kroz koju bi lica zainteresovana za zakup mogla iznijeti svoje mišljenje posebno u dijelu koji se tiče cijena zakupa. Cijene za veće površine su neuporedivo povoljnije npr. kod zakupa zemljišta za postavljanje privremenih objekata tipa kioska i slično za 10 m² treba platiti iznos od 50,00 KM mjesečno a za površine preko 20m² cijena je 1,00 KM po m² pa tako npr.za zakup 50m² zemljišta za postavljanje objekta sličnog kiosku cijena zakupa je isto tako 50,00 KM mjesečno.

Predsjedavajuća Svjetlana Zamboni-Radovanović, dobro u javnoj raspravi nadam se da ćete učestvovati da se osvrnete. Izvolite Nedžade. Da vidim samo ima li još vijećnika koji imaju pitanja vezano za ovaj Nacrt. Nema, Nedžade izvolite.

Nedžad Ćatić, pozdravljam sve prisutne. Samo da pojasnim ovaj način obračuna nije tako..ispadne da je 20m² jeftinije nego 10, međutim kada je 20m² tada se računa 10 po 5 a onih drugih 10 se računa po marku. Tako da to nije tako baš. Znači, način obračuna je bitan kako i na koji način se računa.

Predsjedavajuća Svjetlana Zamboni-Radovanović, tako se radi. Obzirom da se radi o Nacrtu .. Nedžade niste predložili period održavanja javne rasprave, ako možete sugerisati otprilike koji period je dovoljan. Deset dana za provođenje javne rasprave. Hvala lijepo. Zaključujem raspravu uz sugestiju dakle šefa službe da se javna rasprava provede u roku od 10 dana, Nacrt Odluke o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj svojini stavljam na glasanje. Ko je za? Protiv? Uzdržan?

Konstatujem da smo jednoglasno usvojili. Molim. Pauza ? Vama se baš ostaje ovdje. Pa hajmo završiti ako nam je hladno.

ZAKLJUČAK

8.1. Donosi se Nacrt Odluke o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj svojini;

8.2. Da se javna rasprava provede u roku od 10 dana.

AD – 9 Nacrt Odluke o zaštiti izvorišta Rakovac;

Predsjedavajuća Svjetlana Zamboni-Radovanović, nastavljamo s radom. Završili smo 7.tačku, završili smo 8. Idemo na 9. tačku, radi se o Nacrtu Odluke o zaštiti izvorišta Rakovac. Otvaram raspravu. Nacrt je u pitanju. Nedžade ima li sugestija vezano za... Ferhat, oprostite. Javna rasprava...nema samo recite koliko dana. 20 dana na prijedlog službe, 20 dana javna rasprava. Nema prijavljenih za diskusiju. Zaključujem diskusiju, te Nacrt Odluke o zaštiti izvorišta Rakovac stavljam na glasanje, uz napomenu da će javna rasprava biti provedena u roku od 20 dana i da vodite računa da se obavijesti stanovništvo sa tog područja. Ko je za? Protiv? Uzdržan ? Konstatujem da samo jednoglasno usvojili i nacrt ove odluke.

ZAKLJUČAK

9.1. Donosi se Nacrt Odluke o zaštiti izvorišta Rakovac;

9.2. Da se javna rasprava provede u roku od 20 dana, te da se vodi računa da se obavijesti stanovništvo sa područja Mjesne zajednice Rakovac.

AD - 10 Informacija o toku izrade Prostornog plana općine Maglaj;

Predsjedavajuća Svjetlana Zamboni-Radovanović, prelazimo na narednu tačku Dnevnog reda Informacija o toku izrade Prostornog plana općine Maglaj. Ko nam je izlagač po ovoj tački Dnevnog reda. Nedžad.Dobro da znam. Otvaram raspravu. Da malo ispriča. Evo Nedžade izađite da malo prepričate ovo što ste napisali.

Nedžad Čatić, u ovoj informaciji je hronološki navedeno šta je sve dešavalo od donošenja odluke o pristupanju i izradi prostornog plana općine Maglaj iz 2017. godine do danas. Sad ovo što bi trebalo da bude je prednacrt ovog plana, međutim mi smo dobili informaciju usmeno i tražili smo pismeno da se trenutno sve aktivnosti su obustavljene za sve općine. Prioritet je izrada prostornog plana grada Zenice i urbanističkog plana grada Zenice. Tako da smo mi na kraju predložili da Općinsko vijeće donese jedan zaključak kojim se traži od nosica izrade prostornog plana općine Maglaj da hitno nastavi postupak izrade prostornog plana to jeste da uradi prednacrt tog plana koji bi došao na ovo Općinsko vijeće. Pitanja? Izvolite gospodine Fermić.

Vijećnik Hajrudin Fermić, nisam se nešto posebno pripremao da diskutujem za ovu tačku Dnevnog reda ali da ne bi prošlo bez i jedne rečenice. Želio bih napomenuti da prostorni plan općine je najviši akt koji svaka lokalna zajednica ne samo lokalna zajednica nego svi nivoi teritorijalne i administrativnog ustrojstva u BiH moraju imati. To je jedna razvojna projekcija, jedna vizija hajde da kažemo pravaca u kojima konkretno Općina Maglaj treba da ide u narednih 20 godina. Mi imamo ovdje i u naslovu da je to od 2017.godine a ono zbog čega sam se ja javio treba samo reći da je naš prostorni plan općine Maglaj davno prestao sa važenjem, da je Općinsko vijeće jednom ili dva puta donosilo odluke o privremenom korištenju tog prostornog plana i da je konačno krajem 2015.godine Općinsko vijeće je usvojilo tu odluku o pristupanju i izmjeni prostornog plana u kojem se nije ništa radilo praktično do 2017.godine kada je formiran Savjet plana i kada se krenulo u onaj radni, hajde kažem dio a koji je bio neophodan da bi se pripremila prostorna osnova kao temelj za izradu prostornog plana općine Maglaj. Izuzetno važan dokument, imali smo čak u prošlom sazivu Općinskog vijeća jednu tematsku sjednicu gdje su došli predstavnici kantonalnog zavoda za urbanizam i mislio sam da će i na ovu sjednicu biti pozvani. Da će i oni progovoriti nekoliko rečenica iz prostog razloga što na njihovoj web stranici stoji da oni zapravo parafrazim, oni čekaju da mi ovdje završimo sve poslove kad je u pitanju prostorna

osnova. Ja koliko se sjećam mi smo ostali dužni da uradimo nekoliko registara između ostalog i izvorišta vode i da ne otvaram dalje raspravu. Tako da ja u ovom trenutku jesmo mi kao lokalna zajednica, organ uprave, Savjet plana jesmo uradili apsolutno sve poslove koji su do nas. Eh volio bih to da čujem i druga stvar, mislim da je zaista neophodno da i na jedan demokratski ali isto tako i stručan multidisciplinarni pristup nastavimo sa aktivnostima na konačnom njegovom donošenju. Dakle ne da žurimo, da brzamo jer u pitanju su zaista sudbinske, strateške odluke, odnosno taj plan je takvog karaktera i da to zaista završimo i odradimo. Jedna smo od rijetkih opština koja to nema, koja nije završila i mislim da evo i dobro što je ovo danas na Općinskom vijeću kao neki impuls da se još jedanput i u službama i u administraciji u Savjetu plana ako u koordinaciji sa predstavnicima kantonalnog zavoda još jedanput sve to vidi šta je potrebno. Dokle smo došli i da nastavimo dalje raditi.

Predsjedavajuća Svjetlana Zamboni-Radovanović, hvala lijepo. Bilo je jedno pitanje u okviru vašeg izlaganja a to je da li smo učinili sve kao organ uprave odnosno Općina u smislu što se od nas očekivalo.

Nedžad Čatić, u ovoj informaciji ima već da smo mi, da je Savjet plana razmatrao prostorno i da je faktički dostavio svu potrebnu dokumentaciju nosiocu izrade i sad nosioci izrade bi trebali da urade prednacrt plana i da dostave općinskoj administraciji.

Predsjedavajuća Svjetlana Zamboni-Radovanović, hvala lijepo. Dakle uradili smo sve što smo trebali uraditi, što se od nas očekivalo. Dakle ono što mogu konstatovati jeste da ovu informaciju primamo k znanju.

ZAKLJUČAK

10.1. Informacija o toku izrade Prostornog plana općine Maglaj se prima k znanju;

AD – 11 a) Informacija - Akcioni plan 2021-2023 implementacija Analize stanja socijalne zaštite u Zeničko-dobojskom kantonu sa posebnim osvrtom na utjecaj pandemije koronavirusa na sistem socijalne zaštite;

b) Informacija o provedbi Odluke o socijalnoj zaštiti na području općine Maglaj

Predsjedavajuća Svjetlana Zamboni-Radovanović, prelazimo na narednu tačku Dnevnog reda a to je a) Informacija - Akcioni plan 2021-2023 implementacija Analize stanja socijalne zaštite u Zeničko-dobojskom kantonu sa posebnim osvrtom na utjecaj pandemije koronavirusa na sistem socijalne zaštite;

b) Informacija o provedbi Odluke o socijalnoj zaštiti na području općine Maglaj

Otvaram raspravu i pod a) i pod b). Šefica Službe je tu ukoliko bude pitanja. Zatvaram raspravu. Nema nikakvih pitanja. Te konstatujem da obje informacije primamo k znanju.

ZAKLJUČAK

11.1. Informacija - Akcioni plan 2021-2023 implementacija Analize stanja socijalne zaštite u Zeničko-dobojskom kantonu sa posebnim osvrtom na utjecaj pandemije koronavirusa na sistem socijalne zaštite se prima k znanju;

11.2. Informacija o provedbi Odluke o socijalnoj zaštiti na području općine Maglaj se prima k znanju.

AD – 12 Informacija o zdravstvenom stanju stanovništva općine Maglaj za 2021.godinu;

Predsjedavajuća Svjetlana Zamboni-Radovanović, prelazimo na 12. tačku Dnevnog reda Informacija o zdravstvenom stanju stanovništva općine Maglaj za 2021.godinu. Otvaram raspravu.

Vijećnik Eldin Pehrat, selamim i pozdravljam sve prisutne. Mislio sam ovo o čemu ću govoriti eventualno iznijeti kroz vijećničku inicijativu ii pitanje, međutim s obzirom da evo imamo tačku koja se odnosi na stanje zdravstva stanovništva općine Maglaj. A evo i direktor Doma zdravlja je tu pa može ako želi naravno da odgovori. Pred samu sjednicu sam zaista dobio veliki broj upita

naših najmlađih roditelja da tako kažem na području naše općine koji su dakle ukazali na problem rada pedijatra u JU Dom zdravlja Maglaj. Imam informaciju dakle da pedijatar u ovoj javnoj ustanovi radi dva dana sedmično. Što smatram da nije dovoljno s obzirom da se radi o najmlađim stanovnicima, odnosno sugrađanima naše općine i ujedno najosjetljivijoj kategoriji a sigurno o nečemu najvrijednijem što mi imamo. S tim u vezi veliki broj roditelja, dakle mi se obratio s tim pitanjem. Naravno postoji dodatni problem u određenim situacijama roditelji su prinuđeni svoju djecu voditi u privatne ustanove što naravno iziskuje i dodatne troškove itd. Zanima me da li postoje određeni mehanizmi da mi kao vijeće kao općina itd. riješimo taj problem odnosno smatram da pedijatar u javnoj ustanovu u svakom trenutku dakle treba raditi sa punim kapacitetom, sa punim radnim vremenom svaki radni dan. Naravno kao što sam rekao radi se o najosjetljivijoj kategoriji i mislim da taj problem trebamo što prije riješiti.

Predsjedavajuća Svjetlana Zamboni-Radovanović. Fermić.

Vijećnik Hajrudin Fermić, zahvalio bih se prije svega i Kolegiju i rukovodstvu Općinskog vijeća i direktoru doma zdravlja što je pripremio ovu informaciju. Što smo je dobili evo da raspravljamo o njoj i ovo je već nekoliko godina koliko se ona nalazi na dnevnom redu Općinskog vijeća, nažalost u ranijim godinama nije bilo neke velike rasprave o ovoj informaciji ali imam osjećaj i čini mi se da podaci koji su u ovoj informaciji iznešeni ali isto tako i situacija na terenu, situacija među građanima kada je u pitanju zdravstveno stanje stanovništva zahtjeva i traži da se progovori nekoliko rečenica o ovome. Naime kad se uzme podatak iz ovih informacije da je recimo od respiratornih bolesti i akutnog bronhitisa, respiratornih bolesti bilo 583 pregleda a akutnih bronhitisa oboljenja zapravo 188 i to kod djece i školske djece. Kad se uzme da je zabilježeno 231 maligno oboljenje, što je ovako kad se sabere 1% populacije ukupnog stanovništva općine Maglaj, ako se uzme da nas nema 23.000 onda je to puno već procenat, onda možemo samo zaključiti zaista evo prije svega zbog ovih izuzetno velikih brojki respiratornih oboljenja i akutnog bronhitisa da se moraju tražiti određeni uzroci, a uzroci su između ostalog kako je i navedeno u ovoj informaciji. Po meni broj 1. kvalitet zraka na području općine Maglaj. To je nešto što, o čemu svakako trebamo voditi računa i žalosno je da je evo ovaj broj dakle bilježimo kod djece. Također ono što je zastrašujuće jeste podatak da sam ja našao u kantonalnoj informaciji o zdravstvenom stanju stanovništva za 2017.godinu da je malignih neoplazmi ovaj u Maglaju bilo 45 a evo 2021.godine 231. Osim dakle ovih masovnih bolesti svakako tu je i ova pandemija korona virusa i tu imamo podatke koje nam je direktor dostavio u ovoj informaciji o zdravstvenom stanju stanovništva i svakako o njoj isto trebamo malo porazgovarati. Šta nam je osnovno? Sugerisati, zamoliti, apelovati dakle kako zdravstveno osoblje, ali tako sve nas ovdje gdje god ko može, na bilo kojem radnom mjestu i bilo kojoj situaciji da apeluje na stanovništvo da se vakciniše. Vidimo nezadovoljstvo brojem vakcina koje su ovdje na području općine Maglaj. Dakle ljudi koji su se odlučili da se vakcinišu i ja bih upitao direktora doma zdravlja u tom pravcu da li je moguće imaju tu i preporuke federalnih organa ali da li je moguće da se eventualno naprave terenski uredi za vakcinaciju od Covida. Evo recimo ambulanta Šeher u Kosovi itd. koliko to kadrovski, koliko tehnički je izvodivo. Znam da se u nekim općinama to radi. Dalje mislim da bi mi trebali svakako da puno govorimo o prevenciji ovih bolesti i između ostalog da ono što je naša nadležnost ovdje kao Općinskog vijeća, Općine Maglaj itd. da puno više pažnje posvećujemo zdravstvenoj ispravnosti vode za piće a naša je obaveza evo maloprije smo donijeli Nacrt Odluke o vodozaštitnoj zoni u Rakovcu gore, puno je vodovoda, lokalnih vodovoda na kojima nije to regulisano. Nemamo odluka o izvorištima, nemamo o tim vodozaštitnim zonama itd. to je jedna stvar da ubrzamo aktivnost, da pritišćemo i kroz inspekcije i mi sami da pritišćemo sve te upravitelje vodovoda da dostavljaju takve odluke i naravno da redovno zaista redovno kontrolišu zdravstvenu ispravnost vode. Ja sam na pretpošloj sjednici Općinskog vijeća postavio pitanje, dobio sam odgovor od inspektorke a evo ima i u ovoj informaciji koliki je broj tih hajde da kažemo česmi i izvorišta vode koji su se pokazali kao neispravni i zaista su to alarmantni podaci na kojima moramo nešto raditi. Prije svega evo kroz škole i školske te objekte. Naravno i ove sve javne česme i mjesne vodovode i imamo tu neka sredstva u Budžetu planirana da se kontrolišu zdravstvena ispravnost i mislim da ih zaista treba u punom kapacitetu i iskoristiti u 2022.godini.

Također inspekcije znači inspekcijske službe moraju da vrše taj upravni nadzor. Nadležne organizacije, ustanove, pojedinci koji krše propise o zaštiti životne okoline i općinska administracija treba da vodi posebnu brigu o zaštiti životne okoline donoseći posebne akte. Svojim planovima razvoja značajnu pažnju okrenuti na sanaciji deponija smeća i higijenskom uklanjanju tečnih otpadnih materija. Ono što je također je pohvalna aktivnosti i stalno treba o njoj govoriti to je uvođenje screening i nadzora nad hroničnim nezaraznim bolestima, prije svega tu govorimo na ove bolesti žena. Dalje, u dugoročnom razdoblju, smanjenom broju oboljelih i manjem broju komplikacija kod već oboljelih. Puno više sredstava ulagati u razvoje, odnosno rekreativno aktivnost pošumljavanja, zelenilo, utopljanje zgrada. Možda razmišljati o tome da se uvedu rekreativni dani, da se osigura u toku godine besplatan, znači, našim sredstvima, sredstvima Budžeta da se osigura besplatan prevoz do rekreacionih centara Bistrica, Rakovac, evo Šeher....

Predsjedavajuća Svjetlana Zamboni-Radovanović, vrijeme, vrijeme molim Vas.

Vijećnik Hajrudin Ferić, itd..završavam...dalje, mislim da je istekao mandat Zdravstvenom savjetu općine Maglaj i trebalo bi ili isti da se potvrdi ili da se izabere novi Zdravstveni savjet kako bi se dobila nova energija i novi impuls. Dakle u pomoći prije svega ovom edukativnom smislu i menandžmentu doma zdravlja ali isto tako i nama kao zajednici i Općinskom vijeću. Ono što još evo na kraju završavam, ja sam na trećoj vandrednoj sjednici Općinskog vijeća 2020.godine postavio pitanje i dobio sam odgovor a pitanje je glasilo:“ zašto porodilje koje moraju pod hitnu intervenciju da se voze u bolnicu u Tešanj ako je u pitanju ne znam ni ja, taj carski rez itd“morali su da se ponovo vraćaju u dom zdravlja pa se voze u Kantonalnu bolnicu Zenica, tada sam dobio odgovor da dakle nije dom zdravlja pitan kada je pravljen ugovor između Kantonalnog zavoda zdravstvenog osiguranja i tešanjske bolnice. Isto tako kolega Arnautović je prije nekoliko mjeseci slično pitanje postavio i dobio je sličan odgovor kao i ja to u maju mjesecu 2020.godine da se dom zdravlja nije ništa pitao. Smatram da bi dobro bilo da mi ovdje damo podršku rukovodstvu Općine Maglaj, menandžmentu doma zdravlja da u ime nas napiše jedan zahtjev Kantonalnon zavodu zdravstvenog osiguranja da obavezno bude predstavnik doma zdravlja prilikom donošenja novog ugovora Kantonalnog zavoda zdravstvenog osiguranja i bolnica Tešanj i Zenica....

Predsjedavajuća Svjetlana Zamboni-Radovanović, hvala gospodine Ferić..

Vijećnik Hajrudin Ferić, kako bi se konačno na neki način našim građanima omogućila i bolja i brža i kvalitetnija zdravstvena usluga, ta sekundarna odnosno bolnička. Ovo je jedan konkretan prijedlog.

Predsjedavajuća Svjetlana Zamboni-Radovanović, hvala lijepo. Mislim da neće imati niko protiv takvog prijedloga zaključka vezanog za ovu informaciju. Evo dakle u prijedlogu zaključka konkretnog zaključka koji je iznio gospodin Ferić jeste da ovlastimo Načelnika općine, odnosno općinsku administraciju te rukovodica odnosno direktora doma zdravlja, upravu doma zdravlja da se zahtjeva da budete prisutni prilikom potpisivanja narednog ugovora, odnosno dogovoru oko korištenja usluga zdravstvene zaštite. Izvolite gospodin Vehabović u svojstvu pretpostavljam obrađivača, direktor doma zdravlja.

Vijećnik Elvir Vehabović, prije svega sve pozdravljam, malo sam bolestan što bi rekli problemi s grlom, proći će. Ovako na sam izvještaj neću puno obraćati se ovo su znači statistički pokazatelji, osim na jednu malu..malo da kažem pojašnjenje čisto da znate da možda je situacija i gora nego što stoji u ovoj informaciji. U čemu je kvakica, kvakica je što piše vam ovdje na prvoj strani, ovaj izvještaj napravljen na osnovu statistike iz 2021.godine upućen od strane JU Dom zdravlja Maglaj Kantonalnom zavodu za javno zdravstvo ZE-DO kantona pa oni to gore prikupe pa obrade. Konkretno znači ukoliko imamo maligno...pacijenta s malignim oboljenjem karcinomi ili bilo šta a doktor ga prijavio u Zenici, on ide iz Zenice direktno gore u statistiku. Znači, ovo su samo oni koji su prijavljeni u Maglaju. Imamo mi obrasce koje moramo popunjavati, zato u nekom procentu može biti i gora situacija od ove ali bolja ne može. To je što se tiče ovih samih brojki. Da odgovorim sad na ova ostala pitanja. Pitanje pedijatra staro pitanje, izlazio sam 3-4 puta. Sve se slažem znači pedijatar je neophodan, sve znam ali rješenje koje imamo sad je jedino moguće. Imamo pedijatra koji je na bolovanju, na porodiljskom. Doktorica se porodila, ima zakonsko pravo da koristi svoju godinu dana svog porodiljskog. Čak u pitanju je treće dijete, kad se vrati sa

porodiljskog radit će pola radnog vremena ili će produžiti porodiljsko na godinu i pol, sve u skladu sa zakonom. Mi smo ..ljekar radi na pedijatri, ljekar nije pedijatar, ljekar je doktor opšte prakse, koliko može...mi smo iz svojih sredstava obezbjedili onoliko koliko smo mogli. Znači, doktorica ne može...što je još gori slučaj u odnosu na onu prošlu situaciju od prije 3-4 godine i pedijatar jedan je u Žepču na porodiljskom pa je na ovom rejonu dostupna samo jedna pedijatrica koja je voljna dolaziti u Dom zdravlja Maglaj i to dva puta na moju molbu, mislila je samo jednom pa hajde barem dva puta i zato je ograničen broj koji ona prima jer radi cijeli dan u Žepču pa onda dođe u Maglaj. Pedijatrica na tržištu rada na birou nema nigdje. Znači, to je deficitarno zanimanje i nažalost situacija je takva kakva jest. Ja bih rado sada raspisao konkurs na 6 mjeseci ali se neće niko javiti. Otprilike taj neki period još 6 mjeseci dok se doktorica vrati sa porodiljskog. Što se tiče tehničkih uvjeta za izvodljivost vakcinacije, proces vakcinacije na terenu. Mi to možemo sve ispoštovati s tim da ima jedno ograničenje. Zakon je propisao, mada ste čuli kroz medije da se izvodi vakcinacija i po dvoranama. Zakon kaže da se vakcinacija mora provoditi u zdravstvenoj ustanovi, sada da li je to ambulanta, poliklinika, dom zdravlja i sve to..to je sada drugo. Znači, svi ovi koji provode po dvoranama su upitni. Neko da malo začačka, eto belaja. Međutim poražavajuća činjenica je, mi smo imali možda prije 3-4 sedmice predavanje u Natron Hayatu sve u cilju... pozvani smo od strane firme Natron Hayat da izvršimo predavanje o samoj vakcini, vakcinaciji i svemu tome ne bi li se poboljšao odziv ljudi za vakcinaciju. Nažalost ljudi neće da se vakcinišu. Ja sam i kroz medije govorio, nije bitno koji je termin dana, noći, subota, nedjelja jedino što nas ograničava je znači broj. Pakovanje u vakcinama je između 6 i 10 i sad ne možemo mi doći pojedinačan slučaj svaki dan vakcinisati u Šeheru ili u Kosovi. Znači, mora se skupiti 6 odnosno 10 zavisno od vrste vakcine. Jer kada otvorimo jednu bočicu moramo imati za Pfajzer konkretno moramo imati 6 osoba koje će se vakcinisati ali mi nemamo taj...u zadnje vrijeme se vakcinišu samo oni koji žele putovati. Znači, samo vozači i ne znam ko je imao namjeru da putuje za praznike i daj mi vakcinu koja je nabrža ona druga doza. Što ? Pa hoću da putujem. Ne mogu tamo u Austriju, ne mogu u Njemačku. Znači, nažalost na takvom smo procentu da ovo kod nas će stati 3022.godine a ne 2022. Što se tiče ugovora sa Zavodom zdravstvenog osiguranja zadnji primjer koji smo imali od prošle godine je, pričao smo i kad sam odgovarao na pitanje Elvira Arnautovića. Nama je na mail poslan ugovor, potpiši hoćeš nećeš, moraš. To je to. Znači ni ta...i kad se dođe na te sastanke da vam kažem, na tim sastancima oko tih problema teče med i mlijeko. Sve ćemo riješiti, sve je...pa šta vam treba...ma helikopter će doći. I to traje jedno 20 dana. Imali ste možda ste i čuli u zadnje vrijeme primjera da šalje...desi se situacija da doktor bol u stomaku dijete pošalje dječijem hirurгу. Igrom slučaja nije u pitanju hirurško oboljenje, ne možemo znati u hitnoj na osnovu pregleda šta je..treba do pedijatra. Pedijatar traži drugu uputnicu iz Maglaja, veliku bolničku uputnicu zato što je ...ova glasi na dječijeg hirurга. Šta sada mi trebamo dati set uputnica za sva odjeljenja za bolnicu. Do tih gluposti se ide. Ja svakom kažem vi ćete sutra ovo ko god bude sjedio na ovom sastanku sve je riješivo, sve ćemo riješiti ali sve je stvar ponavljam 90% problema je u komunikaciji Kantonalna bolnica Zenica, Opšta bolnica Tešanj što niko nije utvrdio kriterije. Oni jesu rekli sekundarni i tercijarni nivo, drugi i treći nivo ali niko nije postavio koje dijagnoze pripadaju bolnici Tešanj, koje dijagnoze...jer se svi ograđuju, jer nije to tako učajureno da može tako. Neko mora presjeći i reći ok ovo je tako a ovo ovako i onda je sve stvar naplate. Ako sam ja uradio iz Tešnja trebao bi biti slučaj u Tešnju ja šaljem fakturu iz Zenice za Tešanj. Ovaj ja to neću platiti, nije to bila ta dijagnoza i nažalost mi smo jedina općina u području kantona koja je podijeljena između dvije bolnice. Nekad je to dobro a nekad i nije. Znači, činjenica je Opšta bolnica Tešanj ako izgubi 20.000,00 osiguranih lica sa područja općine Maglaj prestaje da postoji. Znači, oni ne mogu postojati samo na osnovu stanovništva općine Tešanj, Doboj Juga i nešto Usore. Oni ako izgube Maglaj, ode...ali to nije naš problem. Činjenica je da kad dođem na sastanak oni svjesni tog straha, svjesni toga obećavaju sve i to traje 20 dana i 21 dan vi čujete naplatili tamo uslugu koju nisu trebali naplatiti pa dolazi uplatnica 25 maraka pregled ginekologa a sitnim slovima dole piše na lični zahtjev. I kad ode na povrat novca u socijalno kaže pa ovo je na vaš zahtjev. Imali ste ne znam koliko 8 dana roka da se vrati taj novac. Normalno žena leži u bolnici,

neće ona izaći iz bolnice drugi dan nakon operacije i reći de mi vratite mojih 20 maraka. Žalosno je al služe se sitnim stvarima.

Predsjedavajuća Svjetlana Zamboni-Radovanović, sistem je žalostan.

Vijećnik Elvir Vehabović, eto toliko.

Predsjedavajuća Svjetlana Zamboni-Radovanović, hvala lijepo doktore. Fermić replika.

Vijećnik Hajrudin Fermić(replika), nije namjera da ništa konkretno repliciram gospodinu Vehaboviću. Želim samo još jedanput da prenesem da je zaista veliki revolt. Veliko nezadovoljstvo kod građana zbog ove konstatacije, zbog ove činjenice. Želim ovim prijedlogom ne da to bude ultimativan zaključak i prijedlog nego da zaista mi shvatimo kao vijeće da bi možda malo ozbiljnije se pristupilo tome kada imamo neki pisani akt koji dolazi od vijeća, odnosno od ove grupe građana. Meni su i sinoć dolazili pojedini građani, koji su me pitali da li da pokrenu peticiju. Iskreno rečeno da pokrenu oni peticiju možda bi vam i to pomoglo nešto, ali obzirom da sam ja u tome naravno laik, ne bih želio da govorimo ima pametnijih ljudi od te struke koji bi mogli u tom periodu da vide koje su to usluge bolničke koje bi mogle biti u Zenici, koje su u Tešnju u bolnici i da s takvim pisanim aktom i sa zahtjevom da uzmete aktivno učešće u tome mi samo vama damo taj legitimitet i pojačamo našim autoritetom.

Predsjedavajuća Svjetlana Zamboni-Radovanović, izvolite, pretpostavljala sam..

Vijećnik Elvir Vehabović, sve to lijepo stoji na papiru. Evo sad ću vam reći primjer. Na početku tamo nekad prvog mandata ja sam otišao u Tešanj znajući taj problem i objasnio znači nije ništa problem. Nama je problem vrijeme. Moramo otići od tačke A Maglaj do tačke B Tešanj i vratiti se i opet u Maglaj i za Zenicu. Oni nama daju nađemo neko rješenje da mi s tim uputnicama njihovim šaljemo pacijente direktno iz Maglaja za Zenicu da ne bi morali ići za Tešanj. Procijijeni doktorica jel za Zenicu, za Tešanj i to se uradi. Međutim evo gospodin moram ga uzeti kao primjer uzeti Mirza Mešić. Njegova mati trebala da se operiše, znači operacija se mora uraditi u Zenici. Bez pregleda je vraćaju sa prijema kaže ovo pripada Tešnju. Odu u Tešanj ne pripada, vi idete u Zenicu. Znači bez pregleda je vraćaju sa svom dokumentacijom. Postavljam zastupničko pitanje odgovor je dvorana u Šeheru je lijepa. I vi možete inicijativu ali oni jednostavno rade tako kako rade.

Predsjedavajuća Svjetlana Zamboni-Radovanović, ama jasno i zašto to rade, pa sasvim je jasno zašto to rade. Mislim sasvim je jasno. Evo ja onda ovo mogu kao sugestiju ostaviti gospodine Fermiću što ste iznijeli, dakle da se učini sve što je u moći općinske administracije, odnosno načelnika općine, te direktora doma zdravlja da se prisustvuje tom sastanku i da se učini maksimalno za građane općine Maglaj. U vidu sugestije da ne bude prijedlog zaključka. Informaciju o zdravstvenom stanju stanovništva općine Maglaj za 2021.godinu primamo k znanju.

ZAKLJUČAK

12.1. Informacija o zdravstvenom stanju stanovništva općine Maglaj za 2021.godinu se prima k znanju.

AD – 13 Informacija o radu obrazovnih ustanova na području općine Maglaj za školsku 2020/2021.godinu i GPR za 2021/2022.godinu;

Predsjedavajuća Svjetlana Zamboni-Radovanović, 13.tačka Dnevnog reda Informacija o radu obrazovnih ustanova na području općine Maglaj za školsku 2020/2021.godinu i godišnji program rada za 2021/2022.godinu. Otvaram raspravu. Kusr.

Vijećnik Eldis Kusr, informacija obimna, samo ima jedna gramatička greška pa ukazujem. Tačka 2.2.1 gdje se područne škole, Prva osnovna škola ne pripadaju joj Liješnica, Tujnica, Bradići nego obrnuto. Osnovnoj školi Maglaj pripada to područje a Prvoj osnovnoj školi pripada Oručje, Ravna, Kosova i Moševac. Samo ta ispravka, gramatička greška.

Predsjedavajuća Svjetlana Zamboni-Radovanović, dobro. Zaključujem raspravu te konstatujem da Informaciju primamo k znanju a u Službi molim samo da se ispravka, tehnička ispravka. Matične škole i područne škole su u pitanju samo, jel tako.

ZAKLJUČAK

13.1. Informacija o radu obrazovnih ustanova na području općine Maglaj za školsku 2020/2021.godinu i GPR za 2021/2022.godinu se prima k znanju;

AD – 14 Informacija o djelovanju NVO i drugih civilnih organizacija koje se sufinansiraju;

Predsjedavajuća Svjetlana Zamboni-Radovanović, prelazimo na narednu tačku Dnevnog reda a to je Informacija o djelovanju NVO i drugih civilnih organizacija koje se sufinansiraju iz Budžeta Općine Maglaj jel tako? Otvaram raspravu. Begić pa Ferić.

Vijećnik Jamin Begić, ja imam par pitanja za Službu. Znači, tačka kaže Informacija o djelovanju NVO i drugih civilnih organizacija koje se sufinansiraju iz Budžeta Općine Maglaj. Informacija nije loša kao informacija međutim šta bi trebalo u ovoj informaciji da sadrži, a to je koliko je općinska administracija, koje udruženje pomogla finansijski. Znači, ta stavka bi nam pojedinačno jako dobro došla jer kaže se koje se sufinansiraju iz Budžeta. Onda kroz čitanje ove Informacije vidimo Udruženje civilnih žrtava rata. Mene interesuje informacija znači ja imam ovdje rješenje o prestanku rada Udruženja civilnih žrtava rata koje je to rahmet mu duši Miralem Malkić jako dobro vodio. To udruženje sada je prestalo sa radom. Prestalo je sa radom zato što rukovodstvo ovog udruženja je ostalo dužno preko 20.000,00 maraka. Preko 20.000,00 maraka po raznim osnovama. Mene interesuje da li je to udruženje stavljeno ovdje kao aktivno ili se ono vodi ..ili je ono preregistrovano..da bi možda opet nastavilo zaduživanje pa opet preregistracija, pa opet zaduživanje a znamo da su ovi troškovi nastali izgradnjom kuće u sklopu vrtića. Znamo da je to udruženje na sudu zbog netransparentnog rada i djelovanja i dugova koje je to rukovodstvo proizvelo. Tako da me ta informacija interesuje ako može da mi služba odgovori.

Predsjedavajuća Svjetlana Zamboni-Radovanović, hvala lijepo. Ferić.

Vijećnik Hajrudin Ferić, evo i ja želim da kažem da je ova informacija o nevladinom sektoru na području općine Maglaj dobra, da su bili tu i finansijski pokazatelji za 2020.i 2021.godinu do nekog određenog roka. Da jednostavno znamo i koji su projekti realizovani i da znamo na kraju krajeva koliko finansijskih sredstava je neko od tih udruženja dobilo. Ja sam se potrudio pa sam našao jednu informaciju o finansiranju odnosno sufinansiranju NVO sektora sa nivoa kantona i sa nivoa općine za 2020.godinu i evo taksativno ću samo reći u 2020.-toj godini od nekih 900.000,00 koliko se finansiraju NVO sa nivoa kantona, samo su dakle ne govorim i sportskim i boračkim udruženjima. Govorim dakle..dobili su samo Udruženje IN Novi Šeher, sportsko ribolovno društvo Oaza mira, Fojničani, Gromovnik zatim dobio je tamo piše transporter restauracija. Zatim eko prijatelji Bočinja, Dječiji vrtić, Centar za socijalni rad, Crveni križ, Mješovita srednja škola Ošve i pomenuo sam Oazu mira. Imam i cifre koliko su ta udruženja dobila. Zapravo to me asociralo me i vidio sam da je vrlo malo broj NVO aplicira na te gore projekte. Kada su u pitanju Maglaj za 2020.godinu imamo vrlo mali broj NVO koje apliciraju odnosno koje su dobile određena sredstva i to u različitim iznosima i imamo čak i pojedince koji su se prijavljivali na te projekte, odnosno dobijali određena sredstva. Govorim sve za 2020.godinu koja se bave i nekim komercijalnim djelatnostima itd. Recimo imamo Mreža mladih 2850,00 KM dobila, Fojničani 500,00 KM, zatim MZ-a Liješnica 400,00 KM , Cicmanka 250,00 KM, Sub Castro Nostro 750,00 KM itd. Ovo sad da ponovo ne elaboriram. Vidimo da je to šarolikost. Vidimo da je to zaista različiti pristupi a spomenuo bih samo da je 31.01.2020.raspisan Javni poziv istog teksta i obima i sadržaja kao i 16.03.2021.godine za oblast kulture, sporta, zdravlja, rada s osobama s invaliditetom socijalnih

usluga na produženje standarda boračkih kategorija, prevencija bolesti, ovisnosti humanitarne djelatnosti, afirmacija mladi, očuvanje kulturno historijske baštine. Jedan od uslova je bio da je realizacija projekta od interesa za građane općine Maglaj, a neće biti realizovani projekti čiji su projekti u korist članova organizacije. Ja zapravo želim ovdje da kroz sve ove ovako nabacane podatke vidimo to šarenilo i neorganizovanost odnosno nedostatak sistema u svemu tome. Dakle predlažem da već sa usvajanjem Budžeta pokrenemo jednu široku debatu i okrugle stolove da Služba za društvene djelatnosti organizuje sa predstavnicima NVO sektora i drugih zainteresovanih o načinima raspodjele, odnosno načinima kroz dakle tih finansijskih sredstava i projektima. Predlažem takođe da Općinsko vijeće kada bude donosilo Programe, da donese i Odluku na Općinskom vijeću o javnom interesu koji se tiče NVO.

Predsjedavajuća Svjetlana Zamboni-Radovanović, hoćete pojasniti to? Ja ne razumijem.

Vijećnik Hajrudin Ferić, naravno. Evo ovdje i ja bih volio da meni neko objasni kada raspiše Javni poziv da piše tamo dakle poziv je da doprinose da su projekti od interesa za građane.

Predsjedavajuća Svjetlana Zamboni-Radovanović, dobro to je jasno.

Vijećnik Hajrudin Ferić, i da postoji precizna odluka koja definiše i koje su to..koji je to javni interes u kojoj oblasti ekologija, zdravstvo, kultura itd kao i da se donese odluka koje su to NVO, odnosno udruženja građana od posebnog interesa za općinu Maglaj. Dalje mislim da...

Predsjedavajuća Svjetlana Zamboni-Radovanović, hajde vrijeme samo gospodine Feriću i vijećnici evo upozoravaju.

Vijećnik Hajrudin Ferić, kroz ove kriterije koji se rade svake godine unijeti između ostalog koji već postoje i promociju turističkih prirodnih potencijala i ekologiju. Omogućiti neformalnim grupama na formalan način učešće u projektu. Zatim da su službe kroz pomoć, stručnu pomoć u informisanju i pisanju projekata pomognu da što veći broj građana aplicira kako za sredstva iz Budžeta općine, tako viših nivoa, pogotovu kantona i naravno mislim da trebamo kontinuirano i da budemo izvještavani o realizaciji ovih projekata i samom karakteru tih projekata.

Predsjedavajuća Svjetlana Zamboni-Radovanović, hvala lijepo. Evo javljam se za riječ vrlo kratko samo na ovo što je iznio kolega Ferić.

Vijećnica Svjetlana Zamboni-Radovanović, da se pred nama našla informacija u kojoj bi nevladin sektor informisao vijeće o visini sredstava koja su osigurali kroz projekte za općinu Maglaj svoje projekte prema dakle Međunarodnim organizacijama, ne mislim na kantonalni, na federalni nivo to je poziv jednom godišnje zna se otprilike ko i prolazi svake godine i zašto. Da nama nevladin sektor osigura tu informaciju koliko su novca dovukli na područje općine Maglaj vidjeli bi ste ko, kako i koliko radi i sve bi nam bilo jasno pa bi i ova informacija bila posmatrana vjerovatno iz drugačijeg ugla.

Predsjedavajuća Svjetlana Zamboni-Radovanović, evo ne znam šta ćemo s ovim što je gospodin Ferić, predsjednici Klubova hoćete to u vidu prijedloga zaključka razmatrati? Hoćete se izjašnjavati o tome ili da se uzme u obzir. Gospodine Feriću kako vi želite? Dobro vi ste predložili jednu tematsku odnosno okrugli stol tako da se može možda i u okviru svih tih sugestija. Da vam iskreno kažem stvarno se ne čuje dobro u ovoj komunikaciji tako da ne znam ni koliko je i šefica službe mogla jasnu informaciju dobiti iz vašeg izlaganja. Bit će zapisnik pa može iz zapisnika izvući ono što je potrebno. Ja bih ipak onda konstatovala da uzimajući sve ove sugestije u obzir da se informacija primi k znanju i ukoliko bude prilike da se to uradi. Za službu je bilo pitanje, gospođo Eldina. Pitanje od gospodina Begića. Ne znam da li ste uopće čuli.

Vijećnik Jasmin Begić, odnosilo se prvo na sufinansiranje. Znači da li se može informacija prezentovati koliko je koje udruženje dobilo finansijskih sredstava od općinske administracije. Znači interesuje me za Udruženje Civilnih žrtava rata...

Predsjedavajuća Svjetlana Zamboni-Radovanović, da li je aktivno?

Vijećnik Jasmin Begić, da da to je to.

Eldina Mehinagić, evo ja na kraju da vas pozdravim i poselamim. Naravno da možete dobiti ovu informaciju. Nije problem možda nije loše da sačekamo kraj godine jer su još neki projekti u toku pa kada završimo kraj godine mi ćemo vama dostaviti informaciju. Mislim pohvalno je i to da se zna i da Općina sufinansira. Ovo što se tiče kantonalno i drugih nivoa vlasti mi zaiste te informacije nemamo i ne možemo uticati na to i da ih dobijemo jel jer NVO su pravna lica i mi ne možemo uticati na njihov rad. Jeste civilne žrtve rata su nekad tamo u aprilu, maju mjesecu prestale sa radom ali su oni ponovo formirani, ponovo su se organizovali, tako da sada nastavljaju s radom. Da ustvari pruzeli su one aktivnosti koje su bile i od prije tako da one pod rugim nazivom faktički nastavljaju sa radom. Mi ih planiramo naravno i sljedeće godine da će biti biti aktivni. Koji su njihovi razlozi ukidanja ja ne bih sad...ne znam, nemam pravu informaciju pa ne bih da pričam o tome ali su vjerovatno bili...preporučeno im je sigurno da to rade. Da li je to ispravno ili nije, ja nisam kompetentna da govorim ali da kažem da prekinuli su s radom. Bili su izbrisani iz Registra NVO-a. Ponovo su formirani i ponovo su aktivni. Znači sa svim aktivnostima koje...naravno drugačija je struktura tamo ali i dalje rade na način kako su i radili. Eto,ako je to to.

Predsjedavajuća Svjetlana Zamboni-Radovanović, hvala.

Vijećnik Jasmin Begić, konkretno me interesuje jesu li oni pravni nasljednici Udruženja Civilnih žrtava rata? Da li oni snose sve obaveze od onog Udruženja Civilnih žrtava rata pošto se radi o istim ljudima, koji su organizovali isto udruženje.

Eldina Mehinagić, ja sam dobila informaciju da će oni sve svoje aktivnosti koje su imali, da su ustvari ovo novo formirano udruženje da će biti pravni nasljednik njihov. Što znači da sve obaveze koje su oni imali prije naslijedit će ovi...tako sam dobila informaciju. Eto.

Predsjedavajuća Svjetlana Zamboni-Radovanović, ali nikad nije naodmet, možete se i direktno obratiti samom udruženju da vam se pojasne neke stvari ukoliko ovo nije dovoljno jasno. Zaključujem raspravu. Te informaciju primamo k znanju, naravno uzimajući sve ove sugestije iznesene u toku same diskusije.

Z A K L J U Č A K

14.1. Informacija o djelovanju NVO i drugih civilnih organizacija koje se sufinansiraju iz Budžeta Općine Maglaj se prima k znanju uz sve iznesene sugestije u toku same diskusije;

AD – 15 Informacija o stanju sporta i sportskih terena na području općine Maglaj ;

Predsjedavajuća Svjetlana Zamboni-Radovanović, prelazimo na narednu tačku Dnevnog reda i posljednju današnju, a to je Informacija o stanju sporta i sportskih terena na području općine Maglaj. Otvaram raspravu. Abdurahmanović.

Vijećnik Adis Abdurahmanović, evo ovako. U samom uvodu materijala stoji da se vijećnici u novom sazivu trebaju dobiti informaciju o stanju sporta i sportskih aktivnosti u prilogu smo

dostavili i tekst informacije o sportu iz 2020.-te godine. Dalje imamo, pročitao sam pomno informaciju iz 2020.-te godine o svim sportskim udruženjima i ponovo je potkrala se jedna tehnička greška kod streljačkog kluba sa invaliditetom Maglaj gdje kažu da su osvojili treće mjesto međuopćinske lige za školsku omladinu pa nam se jedna jedinica ovdje potkrala pa ispada da je to 20117 godini.to je strana 12. Dalje na strani 17.izdaci za finansiranja sporta u 2020.-toj godini iz van budžetskih sredstava su u iznosu od 1.405.000,00 KM. Mislim da je i ovdje jedinica zaluta ovdje ispred 405.000,00, mislim to nije baš...eh sad što se tiče ovih klubova i njihovih informacija. Kod seniorskih ekipa teško je zaključiti jel većinom ekipe nisu promijenile rang takmičenja ali svi možemo pogledati da se sve odnosi na sezonu iz 2017/2018. u ovoj informaciji.

Predsjedavajuća Svjetlana Zamboni-Radovanović, pa pandemija kad je bila...

Vijećnik Adis Abdurahmanović, pa evo recimo nogometni klub BFK Simm Bau ovdje i dalje stoji da se takmiči u drugoj ligi, a taj nogometni klub je već drugu sezonu u prvoj federalnoj ligi. Dalje njihovi juniori i kadeti ovdje stoji da su u omladinskoj lizi ZE-DO kantona međutim promijenili su rang takmičenja već drugu godinu takmiče se u ligi više. Dalje stoji da imaju 32 polaznika škole fudbala, a pretpionira i pionira nemaju. I to je se promijenilo prije dvije godine. Već dvije sezone imaju i prepionire i pionire i svi se takmiče. I ukupno ima 104 registrovana igrača. Kod drugih klubova recimo NK Natron, NK Moševac seniori nisu promijenili rang takmičenja međutim kod kadeta, juniora, pretpionira sve se izmijenilo. Znači, ova informacija je uošte za ove nove vijećnike i nas recimo ko se malo manje bavi sportom ovo kad čita to je totalno suprotno današnjem stanju.

Predsjedavajuća Svjetlana Zamboni-Radovanović, ako dozvolite Abdurahmanoviću nevjerovatno je da niko od sportskih klubova nije reagovao na ovu informaciju u samoj fazi pripreme ove sjednice.

Vijećnik Adis Aburahmanović, pa evo ja ću nadovezati se na vas i predložiti da se ova informacija da li kasno je sada za skinuti s Dnevnog reda ali recimo da nam za sljedeću sjednicu dostave informacije koje su validne. Zaista znam da ovdje među nama ja pratim fudbal, u tome sam u sportu, ali ima ljudi koji ne znaju koji ovo kada čitaju stvarno nema smisla. Znači, predlažem da se dopune informacije da se traži od klubova koji nisu dostavili, a znam da se traži. Znam da neki klubovi ne dostave, neki dostave, ali da ova informacija liči na nešto. Da prikaže stvarno stanje na području općine Maglaj što se tiče sporta. Hvala lijepo.

Predsjedavajuća Svjetlana Zamboni-Radovanović, slažete li se da prijedlog bude da se informacija primi k znanju uz traženje dopune za neku od narednih sjednica. Gospodin Galijašević. Naravno uvažavajući i sve ove tehničke ispravke.

Vijećnik Firuz Galijašević, i ja moram ukazati na neke greške koje su se desile u samoj ovoj informaciji i uzet ću samo za primjer NK Novi Šeher, informacija koju smo imali 2018.godine na 22.sjednici 04.12.kaže da je NK Novi Šeher osnovan 1964.godine, informacija iz 2019.godine to je 32.sjednica 31.10.2019.godine kaže da je NK Novi Šeher osnovan 1975.godine i da igra drugu ligu centar i isto tako u informaciji ovoj sadašnjoj isto piše da je osnovan 1975.godine da igra drugu ligu centar, da se nalazi na 10.-tom mjestu na prvenstvu 2017/2018.i to je ustvari samo tekst kopiran od NK Natron iz 2018.godine. Eto, da se to ispravi.

Predsjedavajuća Svjetlana Zamboni-Radovanović, dobro. Lijepo što tako pažljivo čitate materijale. Da li ima još diskutana. Izvolite.

Vijećnik Eldin Pehrat, evo pošto sam detaljno pročitao ovu tačku. Mada se evo kolega Galijašević i Abdurahmanović manje-više sve i naveli ono što sam htio reći. Tako da tražim evo da u potpunosti ova tačka onaj....

Predsjedavajuća Svjetlana Zamboni-Radovanović, cjelovitiju informaciju, odnosno tačniju.

Vijećnik Eldin Pehrat, informacije su potpuno netačne.

Predsjedavajuća Svjetlana Zamboni-Radovanović, ma nisu potpuno nego djelimično. Nisu potpuno netačne. Ne možemo tako tvrditi. Dakle kao što sam rekla i maloprije uvažavajući sve iznesene sugestije od strane diskutanata, informaciju primamo k znanju i tražimo da se u narednom periodu ona dopuni tačnim podacima vezanim za sportske klubove i udruženja.

Z A K L J U Č A K

15.1. Informacija o stanju sporta i sportskih terena na području općine Maglaj se prima k znanju uvažavajući sve sugestije od strane diskutanata, te da se informacija u narednom periodu dopuni tačnim podacima vezanim za sportske klubove i udruženja;

Predsjedavajuća Svjetlana Zamboni-Radovanović, ovim završavamo dio ovaj sjednice vezan za Dnevni red, te prelazimo na vijećnička pitanja i vijećničke inicijative. Prepuštam vas kolegici Aidi. Izvoli Aida.

Dopredsjedavajuća Aida Bašić, gospodin Mešić, izvolite.

Vijećnik Mirza Mešić, imam ovdje već od ranije jedno pitanje koje sam postavljao službi. Dobio sam samo odgovor da ne nalazi se kod njih ništa. Odnosi se na cisternu odnosno točionik za sipanje naftnih derivata koji se nalazi na stanici. Ja sam to obrazlagao dva ili tri puta na vijeću pa nema potrebe sad ponovo.. sad ovo samo prosljeđujem na Kantonalnu upravu za inspeksijske poslove i Federalnu upravu da utvrdi da li postoje sve potrebne dozvole za normalno funkcionisanje. Sljedeća je inicijativa koja se odnosi na rješavanje prolaza rasvjete na prolazu ispod magistralne ceste M17 u naseljenom mjestu Kosova općina Maglaj. Navedeni prolaz(podhodnik) se nalazi u blizini osnovne škole i đaci svakodnevno koriste taj prolaz, međutim već duži vremenski period rasvjeta ne radi a taj dio koji se nalazi na toj dionici je u nadležnosti Cesta Federacije BiH pa upućujem inicijativu da ovaj problem riješe, jer su u pitanju djeca koja svakodnevno na toj dionici idu u školu. Pošto se ranije smrkne, djeca sve češće prelaze cestu. Dovode samim time sebe u opasnost. Sljedeća inicijativa odnosi se za održavanje jednog radnog konsultativnog sastanka sa predsjednicima JP Željeznice FBiH, direkcija Zenica, Općinskim načelnikom, Službe za urbanizam, Savjeta za bezbjednost saobraćaja. Obzirom da smo svjedoci da na željezničkoj stanici već duži vremenski period se vrši odvoz materijala, željeza i da konstatno se dešava da materijal izlazi na saobraćajnicu samim time može doći i do saobraćajne nezgode i da stradaju pješaci itd. Drugi dio koji se odnosi vezano za ovo je da je već duži vremenski period prolaz kroz željezničku stanicu, odnosno zatvore ljudi ne mogu da dođu do željezničke stanice i ako je ovo javno preduzeće. Treći dio se odnosi na zatvaranje u posljednjih 15.-20 dana kocke , dijela gdje su stanovnici najčešće koristili za utovar, istovar uglja, pretovar određenih radnih mašina itd.i pješaci također ne mogu da prođu jer je postavljena rampa i postavljena je sajla. Četvrti dio se odnosi na tom dijelu za prolaz ispod željezničke pruge, odnosno za stepenice i sa jedne i sa druge strane koje su već duži vremenski period oštećene i u zimskom periodu dolazi a i u ljetnom može doći do ozljeda ljudi koji koriste, pretežno starijih stanovnika penzionera koji prolaze tom dionicom. To su te dvije inicijative i jedno pitanje.

Dopredsjedavajuća Aida Bašić, hvala gospodine Mešić. Gospodin Đuhara izvolite.

Vijećnik Jasmin Đuhera, pozdravljam sve prisutne, pošto prvi put izlazim danas. Kao inicijator ove ideje da se sjednica održi u Novom Šeheru zahvalio bih se Općinskom načelniku i Službi Općinskog vijeća koji su pozitivno odgovorili na moju inicijativu. Ja imam jednu inicijativu prema Službi za urbanizam, geodetske i imovniško pravne odnose. Dakle podnosim vijećničku inicijativu prema Službi za urbanizam i geodetske i imovniško pravne odnose za rješavanje pitanja kanalizacione mreže u Novom Šeheru, na lokalitetu Bare. Preciznije od skretanja za Pire do kuće Puljić Ševade, odnosno za skretanje prema kući Puljić Safeta. Smatram da je potrebna hitna izgradnja dijela kanalizacione mreže, jer ljudi koji žive u tom predjelu svakodnevno se susreću sa proticanjem raznoraznih fekalija pored njihovih kuća što može biti izvor zaraznih bolesti a i predstavlja jedno ruglo za Novi Šeher, kao mjesto.

Dopredsjedavajuća Aida Bašić, hvala, gospodin Adis.

Vijećnik Jasmin Đuhera, da napomenem da ću u pisanoj formi naknadano dostaviti.

Vijećnik Adis Abdurahmanović, evo ja bih prije svega, prije svojih postavljenih pitanja i inicijative. Pozvao i Općinskog načelnika i Službu da.. pozvao bih se na Statut Općine član 61.i Poslovnik o radu član 83.stav 3. Radi se o tome da se ne odgovara na pitanja, da se malo povede računa o tome. Jel čemu da postavljamo ovdje pitanja i inicijative kad ne dobivamo odgovore. Obzirom da nismo dobili izvještaj o utrošku sredstava za omladinski sport za 2020.-tu godinu postavljam vijećničko pitanje koliko su sredstava dobili sportski klubovi i sportska udruženja pojedinačno u 2020.-toj godini sa pozicije omladinski sport. Molim odgovor u pisanoj formi. Pokrećem vijećničku inicijativu da se zaduži nadležna služba da angažuje mehanizaciju na čišćenju zapuštenih kanala pored puta kako u MZ Kosova, tako i u drugim MZ-a gdje se ukaže potreba. Problem zapuštenih kanala je izražen tako da za posljedicu imamo potkopavanje i obrušavanja asfaltnog dijela što dovodi do daleko većih investicija. Konsultovati se sa predsjednicima MZ-a o potrebama pomenutih radova i tačnim lokacijama kritičnih dijelova. Novčana sredstva koristiti iz stavke zimsko i ljetno održavanje. Molim nadležnu Službu da mi pismeno odgovori, koliko je mladih poduzetnika koji su koristili sredstva poticaja u zapošljavanju mladih poduzetnika za 2019.i 2020.godinu. Koliko njih je nastavilo sa radom a koliko ih je zatvorilo svoje poslovnice. Mislim da smo ovo tražili, ali nikad informaciju o ovome nismo dobili, pa evo kroz vijećničko pitanje. Hvala.

Dopredsjedavajuća Aida Bašić, hvala, gospodin Firuz.

Vijećnik Firuz Galijašević; Imam pitanje za Službu Općinskog vijeća. Pitanje je.

Kakva je razlika biti opravdano odsutan ili neopravdano odsutan na sjednici Općinskog vijeća? Postoje li nagrade ili kazne za neprisustvo sjednici Općinskog vijeća? Šta ako je vijećnik neopravdano odsutan? Više puta...? Uzastopno..?Poslovnik o radu Općinskog vijeća Maglaj kaže....Član 11. (Obavještenje o neprisustvu sjednici) (1)Vijećnik koji je spriječen prisustvovati sjednici OV ili njenog radnog tijela, dužan je o tome blagovremeno obavijestiti predsjedavajućeg OV, odnosno predsjednika radnog tijela.A šta ako neće....? Samo pitam!!!Hvala.

Dopredsjedavajuća Aida Bašić, hvala. Uzimam riječ.

Vijećnica Aida Bašić, pokrećem vijećničku inicijativu za čišćenje i uređenje bankina i odvodnih kanala na području MZ Novi Šeher, te pitanje čišćenja sporednih puteva i ulica van gradskog područja tokom većih snježnih padavina i nepogoda. Na osnovu zahtjeva i prigovora mještana MZ Novi Šeher kao i ličnog opažanja uvidjela sam da zbog nekontinuiranog održavanja i višegodišnjeg nečišćenja bankina i odvodnih kanala na području MZ Novi Šeher i najmanje kiše izazivaju ogromne probleme. Voda i nečistoće se gotovo trenutno nakupljaju i otežavaju život i prolaz pješaka pa čak i vozila na određenim dionicama. S tim u vezi pokrećem vijećničku inicijativu da se angažuju radne mašine na čišćenju i uređenju bankina i odvodnih kanala. Obzirom da se radi o

relativno jeftinom finansijskom projektu koji po pogledu uloženog i dobivenog imao ogroman značaj za populaciju MZ Novi Šeher, smatram opravdanim da se podrži navedeni projekat i što hitnije pristupi njegovoj realizaciji. Pod dva. Drugo ne manje bitno pitanje tiče se zimskog održavanja sporednih puteva i ulica koje se naslanjaju na regionalnu cestu u slučaju jakih snježnih padavina. Svjedoci smo da godinama unazad osim užeg gradskog područja sporedne ulice po naseljima se uopšte ne čiste. Mislim da je suvišno spominjati kakve ovo sve probleme proizvodi, posebno starijoj populaciji. Zbog svega navedenog, potrebno je analizirati Ugovore o zimskom održavanju puteva na području naše općine i da li u istim ima obaveza bilo kakvog čišćenja opisanih puteva/ulica posebno mislim na čišćenje snijega. Ukoliko u ranijim Ugovorima ovo nije navedeno potrebno je da se ovo definiše i uredi za narednu zimu. Hvala.

Vijećnik Edin Osmić, ja bih da vas sve pozdravim. Na inicijativu grupe mještana Liješnice podnosim inicijativu za rješavanje i regulaciju korita i ušća Liješnice. Dobio sam i glavni projekat je urađen pa ako može Općina da to uvaži i uvrsti u plan investicija 2022-2024.

Dopredsjedavajuća Aida Bašić, hvala. Gospodin Eldin, izvolite.

Vijećnik Eldin Pehrat, ja imam jednu vijećničku inicijativu. U ime mještana MZ Oručje, podnosim vijećničku inicijativu vezanu za asfaltiranje puta koji vodi od kuće Hajdić Safeta do sportskog poligona. Asfaltirano je 100 m, a preostalo je još 200 m, kako bi put u potpunosti bio završen. Na tom dijelu živi i devet domaćinstava, koje imaju probleme, posebno zimi jer ovaj dio nije obuhvaćen zimskim održavanjem ulica, što dovodi do otežanog kretanja ljudi i automobila na ovom području.

Dopredsjedavajuća Aida Bašić, hvala. Još neko, gospodin Kusr, izvolite.

Vijećnik Eldis Kusr, ja ću inicijativu postaviti u pismenoj formi. Nadovezat ću se na kolegu Pehrata znači pokrećem inicijativu za proširenje mosta na putu za skretanje za MZ Oručje jer sudionici smo da je taj mosta u teškoj, lošoj situaciji i da MZ Oručje već dugo godina traže da se taj most proširi, a kompletna infrastruktura je urađena i pozivam Općinsku administraciju to jeste postavljam pitanje kada će riješiti u MZ Oručje povezivanje rasvjete, javne rasvjete. Potrebno je još nekih 7 stubova da se postavi, da se kompletna MZ osvijetli. Eto.

Dopredsjedavajuća Aida Bašić, hvala gospodine Kusr. Javlja li se još neko? U 12:30h zaključujem 10.redovnu sjednicu Općinskog vijeća.

Zapisničar,
Elza Gračić



PREDSJEDAVAJUĆA
Svjetlana Zamboni- Radovanović